

駱

臨

海

集

駱臨海集卷第十

唐駱賓王著

同里後學陳熙晉發註

松林後裔祖攀校訂

代李敬業傳檄天下文

舊書李勣傳勣孫敬業高宗崩則天太后臨朝既而廢帝

爲廬陵王立相王爲皇帝而政由天后諸武皆當權任人情憤怨時給事中唐之奇貶授括蒼令長安主簿駱賓王貶授臨海丞詹事司直杜求仁黜縣丞敬業坐事左授柳州司馬其弟蓋屋令敬猷亦坐累左遷俱在揚州敬業用前蓋屋尉魏思溫謀據揚州嗣聖元年七月敬業遣其黨監察御史薛璋先求使江都又令雍州人韋超詣璋告變云揚州長史陳敬之與唐之奇謀逆璋乃收敬之繫獄居數日敬業矯制殺敬之自稱揚州司馬詐言高州首領馮子猷叛逆奉密詔募兵進討是日開府庫合士曹參軍李宗臣

解繫囚及丁役工匠得數百人皆授之以甲錄事參
軍孫處行拒命敬業斬之以徇遂據揚州鳩聚民衆
以匡復廬陵爲辭乃開三府一曰匡復府二曰英公
府三曰揚州大都督府敬業自稱匡復府上將領揚
州大都督以杜求仁唐之奇駱賓王爲府屬餘皆僞
署職位旬日之間勝兵有十餘萬仍移檄諸郡縣則
天命左王鈐衛大將軍李孝逸將兵三十萬討之追
削敬業祖父官爵剖墳斷棺復本姓徐氏初敬業兵
集圖其所向薛璋曰金陵王氣猶在大江設險可以
自固且取常潤等州以爲霸基然後治兵北渡魏思
溫曰兵貴神速但宜早渡淮而北招合山東豪傑乘
其未集直取東都據關決戰此上策也敬業不從十
月率衆渡江攻拔潤州殺刺史李思文先是太子賢
爲天后所廢死於巴州敬業乃求狀貌似賢者置於
城中奉之爲主云賢本不死孝逸軍渡淮至楚州敬
業之衆狼狽還江都屯兵高郵以拒之頻戰大敗孝
逸乘勝追躡敬業奔至揚州與唐之奇杜求仁等乘
小舸將入海投高麗追兵及皆捕獲之初敬業傳檄
至京師則天讀之微哂至一杯之土未乾遽問侍臣
曰此語誰爲之或對曰駱賓王之辭也則天曰宰相

之過安失此人新書敬業以之奇爲左長史求仁右
長史宗臣左司馬璋右司馬江都令韋知止爲英公
府長史賓王爲藝文令前整厓尉魏思溫爲軍師旬
日兵十餘萬傳檄州縣疏武氏過惡此題文粹作爲
徐敬業以武后臨朝移諸郡縣檄文苑英華亦作徐
今正近本作討武墨檄案朱子資治通鑑綱目中宗
嗣聖六年太后自名墨改詔曰制目鳳閣侍郎宗秦
客改造十二字以獻至是行之墨卽照字也是武后
名墨在起兵後五年作檄
時不得有是名達實甚矣

偽臨朝武氏者人非溫順地實寒微

首句文粹及文苑英華作偽臨朝豺豕行

武氏者人一作性溫一作和。新書后妃傳嗣聖元年太
后廢帝爲廬陵王自臨朝以睿宗卽帝位后坐武成殿帝
率羣臣上號冊越三日太后臨軒命禮部尙書攝太尉武
承嗣太常卿攝司空王德真冊嗣皇帝自是太后常御紫
宸殿施慘紫帳臨朝顧炎武日知錄曰偽臨朝武氏者敬
業起兵在光宅元年九月武氏但臨朝而未革命也近刻
古文改作偽周武氏不察檄中所云包藏禍心睥睨神器
乃是未篡之時故有是語越六年天授元年九月始改國

號曰周詩抑風終溫且惠傳惠順也新書姦臣李義府傳
貞觀中高士廉韋挺岑文本合孤德棻脩氏族志時許敬
宗以不載武后本望義府亦恥先世不見敘更奏刪正以
仕唐官至五品皆昇士流於是兵卒以軍功進者悉入書
限更號姓氏錄案宰相世系表武氏出自姬姓后曾祖儉
後周永昌王諮議參軍祖華隋東都丞華生士稜司馬少
卿宣城公冲字士讓太廟令楚僖王士逸始州刺史贊國
節公士護工部尚書應國公卽后父也晉書鄭冲傳起自
寒微卓爾立操昔充太宗下陳嘗以更衣入侍洎乎晚節穢亂春
宮密隱先帝之私陰圖後庭之嬖入門見嫉蛾眉不肯讓
人掩袖工讒狐媚偏能惑主踐元后於翬翟陷吾君於聚
麀嘗一作會袖一作袂踐一作蹈陷一作致。新書后妃
傳高宗則天順聖皇后武氏并州文水人太宗聞士護
女美召爲才人方十四母楊慟泣與訣后獨自如曰見天
子庸知非福何兒女悲乎旣見帝賜號武媚及帝崩與嬪
御皆爲比並尼高宗爲太子時入侍悅之王皇后久無子
蕭淑妃方幸后陰不悅它日帝過佛廬才人見且泣帝感

影后廉知狀引內後宮以撓妃寵始下辭降體事。后后喜
教譽於帝故進爲昭儀。一旦顧幸在蕭右寢與后不協。后
性簡重不曲事上下而母柳見內人尙宮無浮禮故昭儀
伺后所薄必款結之由是后及妃所爲必得得輒以聞。昭
儀生女后就顧弄去昭儀潛斃兒。衾下伺帝至陽爲歡言
發衾視兒死矣。又驚問左右皆曰后適來昭儀卽悲涕帝
不能察由是昭儀得入其訾后無以自解而帝愈信愛昭
儀乃誣后與母厭勝帝下詔廢后。進昭儀爲皇后。舊書后
妃傳高宗廢后王氏并州祁人也。父仁祐贈司空初武皇
后貞觀末隨太宗嬪御居於感業寺。后及左右數爲之言
高宗由是復召入宮立爲昭儀。遂與后及良娣蕭氏遞相
譖毀。后懼不自安密與母柳氏求巫祝厭勝事發帝大怒
斷柳氏不許入宮中。后舅中書令柳奭罷知政事永徽六
年十月廢后及蕭良娣皆爲庶人。囚之別院。武昭儀令人
皆縊殺之。后母柳氏兄尙衣奉御全信及蕭氏兄弟並配
流嶺外。遂立昭儀爲皇后。尋又追改后姓爲蟒氏。蕭良娣
爲梟氏。庶人良娣初囚大罵曰願阿武爲老鼠吾作貓兒
生生扼其喉。武后怒自是宮中不畜貓。初囚高宗念之閒
行至其所見其室封閉極密惟開一竅通食器出入。高宗
惻然呼曰皇后淑妃安在。庶人泣而對曰妾等得罪廢棄

爲宮婢何得更尊稱言訖悲咽又曰今至尊恩及疇昔使妾等再見日月出入院中望改此院名爲迴心院高宗曰朕卽有處置武后知之令人杖庶人及蕭氏各一百截去手足投於酒甕中曰令此二嫗骨醉數日而卒後則天頻見王蕭二庶人披髮瀝血如死時狀武后惡之禱以巫祝又移居蓬萊宮復見故多在東都按前云縊殺後又云投酒甕數日卒當是傳聞之異未及刪正新書無縊殺句李斯上秦始皇書所以飾後宮充下陳李善注下陳猶後列也晏子曰有二女願得入身於下陳舊書后妃傳才人九人正五品故曰下陳漢書外戚傳孝武衛皇后字子夫生微也其家號曰衛氏出平陽侯邑子夫爲平陽主謳者武帝卽位數年無子平陽主求良家女十餘人飾置家帝被霸上還過平陽主主見所侍美人帝不說旣飲謳者進帝獨說子夫帝起更衣子夫侍尙衣軒中得幸還坐驪甚賜平陽主金千斤主因奏子夫送入宮史記外戚世家漢興呂娥姁爲高祖正后及晚節色衰愛弛春宮指高宗爲太子時注見上司列大常伯啓班倖仔自傷悼賦登薄軀於宮闕兮充下陳於後庭陸德明左傳隱公三年釋文嬖必計反賤而得幸曰嬖鄒陽獄中上書自明故女無美惡入宮見妬士無賢不肖入朝見嫉楚辭離騷經衆女嫉余

之蛾眉兮謠詠謂余以善淫王逸注蛾眉好貌楚策魏王
遺楚王美人楚王說之夫人鄭衷知王之說新人也甚愛
新人鄭衷知王以己爲不妬也因謂新人曰王愛子美矣
雖然惡子之鼻子爲見王則必掩子鼻新人見王因掩其
鼻王謂鄭衷曰夫新人見寡人則掩其鼻何也鄭衷曰其
似惡聞君王之臭也王曰悍哉令刺之無使逆命晉書石
勒載記勒笑曰大丈夫行事當礪礪落落如日月皎然終
不能如曹孟德司馬仲達父子欺他孤兒寡婦狐媚以取
天下也周禮天官內司服掌王后之六服褙衣揄狄闕狄
鄭氏注狄當爲翟翟雉名伊雉而南素質五色皆備成章
曰翟江淮而南素質五色皆備成章曰揄王后之服刻繪
爲之形而采畫之綴於衣以爲文章褙衣畫翟者揄狄畫
搖也闕狄刻而不畫此三者皆祭服舊書輿服志皇后服
褙衣首飾花十二樹并兩博鬢其衣以深青織成爲之文
爲翟翟之形素紗中單黼領羅縠標襖蔽膝大帶以青衣
革帶青襪舄白玉雙珮平組雙大綬受冊助祭朝會諸大
事則服之吾君謂高宗禮曲禮上夫唯禽獸無禮故父子
聚麀鄭氏注聚猶共也鹿牝曰麀釋文麀音憂按唐高宗
立武昭儀爲皇后詔武氏門著勲庸地華纓徽往以才行
選入後庭譽重椒闥德光蘭掖朕昔在儲貳特荷先慈常

得侍從弗離朝夕宮壺之內恒自飭躬嬪嬙之間未嘗迂
目聖情鑒悉每垂賞歎遂以武氏賜朕事同政君可立爲
皇后諱其機亂以爲先帝所賜程大昌曰賓王明指聚厯
之醜后曾不能設一語以自解說乃知事犯公義心不可
欺口亦不加以此蜚蜚爲心豺狼成性詩小雅哀今之人胡
能自文也加以蜚蜚爲心豺狼成性爲蜚蜚傳蜚蜚也箋
云蜚蜚之性見人則走正義曰陸機疏云蜚蜚一名蝶蜚
水蜚也或謂之蛇蜚如蜥蜴青綠色大如指形狀可惡釋
文蜚蜚鬼反蜚蜚星厯反字又作蜥蜴按毛傳專言蜚蜚以蜚
蜚爲二物說文十三篇蜚呂注鳴者詩曰胡爲蜚蜚蜥蜴
易也在壁曰蜥蜴在草曰蜥蜴易蜥蜴蜥蜴它醫呂注鳴者則
蜚亦蜚屬也左傳閔公元年戎狄豺狼不可厭也孔穎達
疏二者皆貪殘之獸說文九篇豺狼屬狗聲又十篇狼似
犬銳頭白頰高并廣後范處義詩補傳蜥蜴蛇也蜥毒視
他蛇爲甚蜚守宮也能十二時變色哀當今之人不能聽
我之言何爲如蜚之肆毒以害人如蜚之變幻莫測也按
小雅維蜚維蛇正義曰釋魚云蜥蜴博三寸首大如拳舍
入曰蜥一名蜥江淮以南曰蜥江淮以北曰蜥孫炎曰江
淮以南謂蜥爲蜥廣三寸頭如拇指有牙最毒郭璞曰此
自一種蛇人自名爲蜥蜥今蛇細頸太頸色如艾綬文文

閒有毛似猪鬣鼻上有針大者長七八尺一名反鼻如虺
頰足以明此自一種蛇如郭意此蛇人自名蝮虺非南北
之異據毛傳以虺蜴爲二物此以虺蜴對豺狼爲性近狎
此義宋書文五王傳竟陵王誕有硯面目豺狼爲性近狎
邪僻殘害忠良僻一作佞館學士帝將立武昭儀大臣切諫而敬宗
陰揣帝私卽妄言曰田舍子賡獲十斛麥尙欲更故婦天
子富有四海立一后謂之不可何哉帝意遂定王后廢敬
宗請削后家官爵廢太子忠而立代王拜侍中進中書令
敬宗知后鉗戾能固主以久已權乃陰連后謀逐韓瑗來
濟褚遂良殺梁王長孫無忌上官儀朝廷重足事之威寵
熾灼當時莫與比李義府進宏文館學士爲長孫無忌所
惡奏斥壁州司馬詔下義府問計於舍人王德儉卽代
德儉直夜叩閣上表請廢后立昭儀帝悅召見與語賜珠
一斗畱復侍武后已立義府與敬宗德儉及御史大夫崔
義弇中丞袁公瑜大理正侯善業相推轂濟其姦誅棄骨
骸大臣故后得肆志攘取威柄天子斂衽矣又長孫褚韓
來李上官列傳長孫無忌貞觀二十三年與遂良入受詔
太子卽位是爲高宗進無忌太尉檢校中書令帝欲立武
昭儀爲后無忌罔言不可后旣立以無忌受賜而不助已

銜之敬宗揣后指陰使洛陽人李奉節上無忌變事與侍
中辛茂將臨按傳致反狀削官爵置於黔州後數月覆按
反獄投縲卒褚遂良亮子高宗卽位進拜尚書右僕射帝
將立武昭儀召長孫無忌李勣于志甯及遂良入帝曰皇后無子
今欲立昭儀謂何遂良曰皇后本名家奉事先帝不可廢
帝不悅翌日復言對曰昭儀昔事先帝身接帷第今立之
奈天下耳目何因致笏殿階叩頭流血武氏從幄後呼曰
何不撲殺此獠無忌曰遂良受顧命有罪不加刑會李勣
議異武氏立乃左遷遂良潭州都督徙桂州未幾貶愛州
刺史歲餘卒韓瑗進侍中王后之廢瑗雪泣言曰皇后乃
陛下在藩時先帝所娶今無罪輒廢非社稷計不納明日
復諫帝大怒詔引出褚遂良貶潭州都督瑗上言帝愈不
聽許敬宗李義府奏瑗以桂州投遂良桂用武地倚之謀
不軌於是貶振州刺史踰年卒追削官爵籍其家來濟遷
中書令武氏被寵帝特號宸如濟與韓瑗諫妃有常員今
別立號不可武氏已立尋坐褚遂良事貶台州刺史徙庭
州龍朔二年突厥入寇遂不介冑而馳賊沒焉李義琰與
郝處俊固爭事得寢以疾乞骸骨聽致仕上官儀進西臺
侍郎同東西臺三品武后得志遂牽制帝專威福帝不能
堪又引道士行厭勝中人王伏勝發之帝因大怒將廢爲

庶人召儀與議使草詔左右奔告后后自申訴帝乃悔又
恐后怨恚乃曰上官儀教我始忠爲陳王時儀爲諮議與
王伏勝同府至是許敬宗構儀與忠謀大逆后志也自褚
遂良等元老大臣相次屠覆公卿莫敢正議獨儀納忠禍
又不旋踵由是天下之政歸於后而帝拱手矣禮樂記情
慢邪辟之氣不設於身體辟通作僻書仲虺之詰顯忠遂
良又泰誓上殺姊屠兄弑君鳩母姊一作子口舊書外戚
焚炙忠良殺姊屠兄弑君鳩母傳士護娶相里氏生元
慶元爽又娶楊氏生三女長適越王府功曹賀蘭越石次
則天次適郭氏士護卒後兄子惟良懷運及元爽等遇楊
氏失禮及則天立爲皇后追贈士護爲司徒周忠孝王封
楊氏爲代國夫人賀蘭越石早卒封其妻爲韓國夫人尋
又加贈士護爲太尉楊氏改封爲榮國夫人時元慶仕爲
宗正少卿元爽爲少府少監惟良爲衛尉少卿榮國夫人
恨其疇日薄已諷皇后抗疏請出元慶等爲外職於是元
慶爲龍州刺史元爽自濠州又配流振州而死乾封年惟良與
弟淄州刺史懷運以岳牧例集於泰山之下時韓國夫人
女賀蘭氏在宮中頗承恩寵則天意欲除之諷高宗幸其
母宅因惟良等獻食則天密令人以毒藥貯賀蘭氏食中

賀蘭氏食之暴卒歸罪於惟良懷運乃誅之請改其姓爲
蝮氏絕其屬籍乃以韓國夫人之子敏之爲士襲嗣改姓
武氏襲爵周國公俄而姦汙事發配流雷州行至韶州以
馬韁自縊而死又高宗本紀永淳二年十一月癸亥幸奉
天宮上苦頭重不可忍侍醫秦鳴鶴曰刺頭微出血可愈
天后帷中言曰此可斬欲刺血於人主首耶上曰吾苦頭
重出血未必不佳卽刺百會上曰吾眼明矣丁未自奉天
宮還東都上疾甚宰臣已下並不得謁見十二月己酉詔
改永淳二年爲宏道元年是夕帝崩於真觀殿新書后妃
傳楊氏徙鄴衛二國咸亨元年卒追封魯國諡忠烈詔文
武九品以上及五等親與外命婦赴弔以王禮葬咸陽俄
又贈士襲太尉兼太子太師太原郡王魯國忠烈夫人爲
妃杜預左傳莊公三十二年注酖鳥名其羽有毒以畫酒
飲之則死孔穎達正義晉語諸公讚云鴆鳥食蝮以羽翮
櫟酒水中飲之則殺人胡三省通鑑唐紀注曰弑神人之
君鳩母此以高宗晏駕及太原王妃之死爲后罪神人之
所共疾天地之所不容而一旦作逆天地所不容人神所
痛猶復包藏禍心窺竊神器舊書則天本紀高宗稱天皇
疾猶復包藏禍心窺竊神器武后亦稱天后后素多智計

兼涉文史帝自顯慶已後多苦風疾百司表奏皆委天后
詳決自此內輔國政數十年威勢與帝無異當時稱為二
聖大帝崩皇太子顯卽位尊天后爲皇太后既將篡奪自
臨朝稱制左傳昭公元年子羽曰將恃大國之安靖已而
無乃包藏禍心以圖之老子天下神器不可爲也爲者敗
之執者失之張衡東京賦巨猾閒疊竊弄神器王儉褚淵
碑文桂陽失君之愛子幽之於別宮賊之宗盟委之以重
圖窺竄神器
任舊書睿宗本紀睿宗中宗母弟總章二年徙封冀王上
初名旭輪至是去旭字上元二年徙封相王儀鳳三年
遷洛牧改名旦徙封豫王嗣聖元年則天臨朝廢中宗爲
廬陵王立豫王爲皇帝仍臨朝稱制新書后妃傳睿宗雖
立實囚之而諸武擅命資治通鑑唐紀十九政事決於太
后居睿宗於別殿不得有所預舊書外戚傳武承嗣元爽
子也嗣聖元年以承嗣爲禮部尙書尋除太常卿同中書
門下三品承嗣嘗諷則天革命盡誅皇室諸王及公卿中
不附已者承嗣從父弟三思嗚呼霍子孟之不作朱虛侯
又盛贊其計天下於今冤之

之已亡燕啄皇孫知漢祚之將盡龍殄帝后識夏庭之遽

衰後漢書霍光傳霍光字子孟票騎將軍去病弟也去病死後光爲奉常都尉甚見親信是時上年老寵姬鉤弋趙婕妤有男上心欲以爲嗣察羣臣唯光任大重可屬社稷上廼使黃門畫者畫周公負成王朝諸侯以賜光以光爲大司馬大將軍武帝崩太子襲尊號是爲孝昭皇帝帝政事壹決於光訖十三年百姓充實四夷賓服昭帝崩亡嗣迎昌邑王賀卽位行淫亂光憂懣獨以問所親故吏大司農田延年延年曰伊尹相殷廢太甲以安宗廟將軍若能行此亦漢之伊尹也光卽與羣臣俱見白太后太后被珠襦盛服坐武帳中召昌邑王伏前聽詔光令王起拜受詔廼卽持其手解脫其璽組奉上太后光遂復與丞相敞等上奏孝武皇帝曾孫病已可以嗣孝昭皇帝後皇太后詔曰可是爲孝宣皇帝又高五王傳齊悼惠王次子章入宿衛於漢高后封爲朱虛侯高后立諸呂爲三王擅權用事章年二十有氣力忿劉氏不得職高后崩趙王呂祿爲上將軍呂王產爲相國欲爲亂章以呂祿女爲婦知其謀與太尉勃丞相平等誅之章首先斬呂產太尉勃等乃盡誅諸呂而代王立是爲孝宣帝又五行志成帝時童謠曰燕燕尾涎涎張公子時相見木門倉琅根燕飛來啄皇孫皇孫死燕啄矢其後帝爲繼行出遊常與富平侯張放俱稱富

平侯家人過河陽主作樂見舞者趙飛燕而幸之故曰燕
燕尾涎涎美好貌也張公子謂富平侯也木門倉琅根謂
宮門銅鉞言將尊貴也後遂立爲皇后弟昭儀賊害後宮
皇子卒皆伏辜所謂燕飛來啄皇孫皇孫死燕啄矢者也
史記周本紀昔自夏后氏之衰也有二神龍止於夏帝庭
而言曰余褒之二君卜請其繇而藏之乃吉比三代莫敢
發之至厲王之末發而觀之繇流於庭不可除厲王使婦
人裸而謀之繇化爲三龜以入王後宮後宮之童妾旣幽
而遭之旣笄而孕無夫而生子懼而棄之宣王之時童女
謠曰歷弧箕服實亡周國有夫婦賣是器者宣王使執而
戮之逃於道而見鄉者後宮童妾所棄妖子出於路者聞
其夜啼哀而收之夫婦遂亡犇於褒褒人有罪請入童妾
所棄女子者於王以贖罪是爲褒姒當幽王三年王之後
宮見而愛之生子伯服竟廢申后及太子申后怒與繒西
夷犬戎攻幽王遂殺幽王驪山下虜褒姒盡取周賂而去
言大臣乏博陸之忠宗室鮮城陽之力勢必如趙后之禍
漢褒姒之滅周也新書高宗本紀永徽六年立昭儀武氏
爲皇后顯慶元年廢皇太子忠爲庶人麟德元年殺庶人忠上元二年
子五年廢梁王忠爲庶人麟德元年殺庶人忠上元二年
天后殺皇太子立雍王賢爲皇太子永隆元年廢皇太子

爲庶人立英王哲爲皇太子永淳元年零陵郡王明薨則
天本紀光宅元年二月庚申廢皇太孫重照爲庶人殺庶
人賢於巴州九月甲寅大赦改元旗幟尙白易内外官服
青者以碧太易官名改東都爲神都丁丑柳州司馬李敬
業舉兵於揚敬業皇唐舊臣公侯冢子奉先帝之遺訓荷
州以討亂

本朝之厚恩宋微子之興悲良有以也桓君山之流涕豈

徒然哉

桓一作袁先帝句一作奉先君之成業○新書二
李傳李勣字懋功曹州離狐人本姓徐氏封萊國

公賜姓徙封曹太宗徙封英高宗立進開府儀同三司同
中書門下遂爲尙書左僕射總章二年卒贈太尉揚州大
都督子震嗣終桂州刺史震子敬業敬業後漢書張綱傳
蒙外戚之援荷國厚恩尙書大傳周傳微子將往朝周過
殷之故墟志動心悲作雅聲謂之麥秀歌歌曰麥秀蘩兮
黍禾蠅蠅兮彼狡童兮不我好仇魏志夏侯惇傳杜襲之
輕薄尙良有以也桓譚字君山事見靈泉頌暫雪桓譚之
涕句注新書二李傳敬業少從勤征伐有勇名歷太僕少
卿襲英國公爲眉州刺史陶聖元年坐賊貶柳州司馬言
敬業以世臣坐貶無異於微子之出奔君山之外謫朝旣

無子孟朱虛其人討亂之兵固不獲已也舊書作袁君山
談今正宋書劉穆之王休元傳論爲一代宗臣配饗清廟
豈徒然哉是用氣憤風雲志安社稷因天下之失望順宇內之

推心爰舉義旗誓清妖孽南連百越北盡三河鐵騎成羣
玉軸相接海陵紅粟倉儲之積靡窮江浦黃旗匡復之功
何遠班聲動而北風起劒氣衝而南斗平暗鳴則山嶽崩
顏叱咤則風雲變色以此制敵何敵不摧以此攻城何城

不克

順字一作遂海攻城舊書作圖功城舊書作功○沈

紀信與江水同流氣與寒風共憤漢書武五子傳忠臣竭
誠不顧鈇鉞之誅以陳其愚志在匡君安社稷也史記三
王世家使天下失望不可賈誼過秦論振長策而御宇內
魏書出帝紀爰舉義旗志雪國恥陳琳爲袁紹檄豫州祖
父中常侍騰與左官徐璜竝作妖孽晉書劉琨祖逖傳贊
曰扣楫中流誓清凶孽呂氏春秋八覽侍君篇揚漢之南

百越之際高誘注越有百種三河見敘寄員半千詩鐵騎
見蕩子從軍賦江淹尚書符樓煩白羽投鞍成岳漁陽黑
騎浴鐵爲羣庾信哀江南賦乃使玉軸揚灰龍文斫柱枚
乘上書重諫吳王轉粟西鄉陸行不絕水行滿河不如海
陵之倉臣瓚曰海陵縣名有吳太倉左思吳都賦觀海陵
之倉則紅粟流衍胡三省通鑑唐紀注曰海陵縣漢屬臨
淮後漢晉屬廣陵梁置海陵郡隋廢郡爲縣屬江都郡唐
屬揚州今爲泰州九域志揚州東至海陵界九十八里又
自海陵東至海一百七十里朱鶴齡杜詩輯注曰海運當始
於隋大業中北史來護兒傳遼東之役護兒率樓船指滄
海入自涇水時護兒從江都進兵則當出成山大洋轉登
萊向遼海也唐太宗屢討高麗舟師皆出萊州其饋運當
從隋故道檄云海陵紅粟倉儲之積靡窮蓋隋唐時於揚
州置倉以備海運饋東北邊吳志孫權傳裴松之注吳書
曰陳化爲郎中令使魏魏文帝問曰吳魏峙立誰將平一
海內者乎化對曰易稱帝出乎震加問先哲知命舊說紫
蓋黃旗運在東南庾信哀江南賦連茂苑於海陵跨橫塘
於江浦左傳襄公十八年有班馬之聲古詩胡馬依北風
越鳥巢南枝劒氣見螢火賦史記淮陰侯列傳項王暗噓
叱咤千人皆廢索隱暗於端反噓鳥路反叱昌栗反咤卓

家反或作吒暗隱懷怒氣叱咤發怒聲漢書作意烏猝嗟
江淹尚書符願盼則前後生風暗鳴則左右激電鳴與隱
音義同也隋書煬帝紀顧盼則山岳傾頽叱吒則風雲騰
鬱左傳僖公四年以此眾戰誰能禦之以此攻城何城不
克魏收爲東魏檄梁文以此赴敵何敵不摧以此攻
城何城不克庾信詠懷詩風雲能變色松竹且悲音公等
或家傳漢爵或地協周親或膺重寄於爪牙或受顧命於

宣室言猶在耳忠豈忘心一抔之土未乾六尺之孤安在

安在舊書作何託口漢書高惠高后文功臣表漢興封爵
之誓曰使黃河如帶泰山若厲國以永存爰及苗裔書泰
誓雖有周親不如仁人何晏論語集解孔曰親而不賢不忠
不如周家之多仁人何晏論語集解孔曰親而不賢不忠
則誅之管蔡是也仁人謂箕子微子來則用之閭若璩曰
孔安國於論語尚書詮釋相懸絕如此此豈一人之手筆
乎按此以周親對漢爵蓋主論語注說舊書高宗本紀永
淳二年十一月戊戌命將軍程務挺爲單于道安撫大使
詔皇太子監國裴炎劉齊賢郭正一等於東宮同平章事
十二月宣遣詔皇太子卽位於柩前詩小雅祈父予王之

爪牙傳祈父司馬也箋此勇力之士責司馬之辭也漢書
李廣傳將軍者國之爪牙也北齊書魏蘭根傳或徵發中
原強宗子弟或國之肺腑寄以爪牙書顧命傳臨終之命
曰顧命三輔黃圖宣室未央殿正室也淮南子曰周武
王殺紂於宣室漢取舊名也漢書曰文帝受釐宣室夜半
前席賈生問鬼神之事卽此也左傳文公七年秦康公送
公子雍于晉穆嬴日抱太子以啼於朝出朝則抱以適趙
氏頓首於宣子曰先君奉此子也而屬諸子曰此子也才
吾受子之賜不才吾惟子之怨今君雖終言猶在耳而棄
之若何宣子與諸大夫皆患穆嬴且畏偪乃背先蔑而立
靈公後漢書皇甫嵩傳嵩曰夙夜在公心不忘忠史記張
釋之傳有人盜高廟坐前玉環釋之奏當棄市上大怒釋
之免冠頓首謝曰法如是足也今盜宗廟器而族之假令
愚民取長陵一抔土陛下何以加其法乎集解張晏曰不
欲指言故以取土譬也索隱抔步侯反案禮運云汙尊而
抔飲鄭氏云抔手掬之字從手顏師古漢書注曰今學者
讀抔爲杯勺之杯非也杯非應盛土之物也漢書霍光傳
今將軍墳墓未乾新書則天本紀光宅元年八月庚寅葬
天皇大帝於乾陵九月丁丑李敬業舉兵於揚州相距僅
四十八日故云抔土未乾何晏論語集解六尺之孤幼少

之君邢昺疏鄭氏注此云六尺之孤年十五已下新書則
天本紀光宅元年正月癸未改元嗣聖二月戊午廢皇帝
爲廬陵王幽之已未立豫王旦爲皇帝改元爲文明四月
癸酉遷廬陵王於房州丁丑又遷於均州王溥唐會要中
宗孝和大聖大昭孝皇帝諱顯高宗第七子母曰則天順
聖皇后武氏顯慶二年封周王儀鳳二年徙封英王改名
哲永隆元年冊爲皇太子宏道元年十二月六日卽位年
二十八嗣聖元年二月六日改爲廬陵郡王房州安置聖
厯元年六月遣職方員外郎徐彥伯迎於房州冊爲皇太
子二年賜姓武氏神龍元年正月二十四日卽位年五十
二月五日國號依舊稱大唐沈既濟議曰夫則天體自坤
順位居乾極進以強有退非德讓當稱之太后不宜曰上
孝和降居藩邸本吾君也宜稱曰皇帝不宜曰廬陵王睿
宗在景龍以前天命未集徒稟后制假臨大寶宜曰相王
未宜曰帝昔魯昭之出也春秋歲書其居曰公在乾侯且
君位雖失位不敢廢也今請併天后紀合孝和紀每於歲
首必書孝和所在以統之書曰謀年春月皇帝在房陵太
后行某事改某制云云則紀稱孝和而事迹述太后名禮兩
得人無閒矣按檄文前言君之愛子幽之於別宮謂相王
也此言六尺之孤安在謂中宗也春秋大義嚴於斧鉞宜

武氏見之而儻能轉禍爲福送往事居共立勤王之勲無
嬰然心懾也

廢舊君之命凡諸爵賞同指山河若其眷戀窮城徘徊歧
路坐昧先幾之兆必貽後至之誅請看今日之域中竟是

誰家之天下移檄州郡咸使知聞

指一作裂其一作或竟一作合若其四句舊書

無此今正口史記蘇秦列傳蘇秦曰臣聞古之善制事者
轉禍爲福因敗爲功往謂高宗居謂中宗見與程將軍書
左傳僖公二十五年狐偃言於晉侯曰求諸侯莫如勤王
諸侯信之且大義也又宣公十二年楚少宰如晉師隨季
對曰昔平王命我先君文侯曰與鄭夾輔周室母廢王命
史岑出師頌窮城極邊歧路見前易繫辭下幾者動之微
吉之先見者也周禮大司馬比軍眾後至則誅之又防風
氏後至見露布老子域中有四大而王居其一焉梁書元
帝紀檄布遠近咸使知聞

兵部奏姚州道破逆賊諾沒弄楊虔柳露布

新書禮樂志賊

平而宣露布其日守宮量設羣官次露布至兵部侍郎奉以奏聞承制集文武羣官客使於東朝堂中書令遂宣之兵部尙書進受露布舊書地理志劒南道姚州武德四年置漢益州郡之雲南縣古滇王國後置永昌郡雲南哀牢博南皆屬邑也蜀劉氏分永昌爲建甯郡又分永昌建甯置雲南郡而治於弄棟晉改爲晉甯郡又置甯州武德四年安撫大使李英以此州內人多姓姚故置姚州管州二十二麟德元年移姚州於弄棟川領縣二瀘南長明元和郡縣志姚州管縣三姚城長明長城並與州同置龍朔中于州理置都督府尋廢入嵩州垂拱元年復置舊書高宗紀咸亨三年春正月辛丑發梁益等一十八州兵募五千三百人遣右衛副率梁積壽往姚州擊叛蠻新書南蠻傳姚州境有永昌蠻咸亨三年叛高宗以太子右衛副率梁積壽爲姚州道行軍總管討平之案新舊書載高宗時征姚州破賊之事祇此考舊書張柬之傳神功初出爲合州刺史尋轉蜀州刺史舊例每歲差兵募五百人往姚州鎮守路越山險死者甚多柬之表論其弊曰臣竊按姚州者古哀牢之舊國絕域荒外山高水深本龍朔中武陵縣主簿石子仁

奏愷之後長史李孝讓辛文協並爲羣蠻所殺前朝
遣郎將趙武貴討擊貴及蜀兵應時破敗噍類無遺
又使將軍李義總等往征郎將劉惠基在陣戰死其
州乃廢至垂拱川年蠻郎將王善寶昆州刺史襲乾
福又請置州自此蜀中騷擾於今不息伏乞省罷姚
州使隸舊府疏奏則天不納據表中稱前朝謂高宗
也證之祭趙郎將文及露布中載劉惠基俱與柬之
表合則其時之姚州道大總管當卽李義總也今滇
有唐朝閣印元唐故使持節河東刺史上護軍王府
君碑招慰奏置姚府已西廿餘州旣處於僻界荒垂
不能爲中國輕重時復廢棄但云羈縻然貪戾君長
負遠放命災我城邑延口平人口州刺史蒙儉實始
其亂咸亨之歲犬羊大擾梟將失律元凶莫懲君武
則號闕義以憤惋擐犀衣以奮擊驅虎旅而先口勲
在王室藏於盟府案王府君名仁求乃王善寶之父
卒於咸亨五年八月碑稱蒙儉實始其亂而露布有
蒙儉和舍等有委屎奔馳之語碑稱咸亨之歲犬羊
大擾梟將失律元凶莫懲與祭趙郎將文王師失律
凶狡憑陵相合所稱號闕奮擊卽此役也碑云君長
又云刺史蒙儉當是蠻酋襲刺史也延字下闕文疑

是及字第州字上闕文不知何州以露布削左衽而
被朝衣解椎髻而昇華冕證之當羈縻十餘州之一
也新書姚州羈縻州十三詳後東之表言李義總不
言梁積壽當是梁積壽李義總俱爲總管實只一事
唐本紀言討平永昌叛蠻而東之表則云往往征之後
其州遂廢意蒙儉遁後復叛尋至州廢故不敘也姚
州今屬雲南省宋置姚州元爲姚安路治明爲姚安
府本朝乾隆中省姚安府以州及大姚縣屬楚雄
府

尙書兵部臣聞北極列象六合奉天子之尊南面乘乾一
統成聖人之業是知衣裳所會義有輯於殊隣霜露所均
誠兼育於異類故塗山萬國誅後至者防風丹浦一戎緩
前禽者就日然則利弧矢以威天下法雷霆以震域中四
時行焉天道不能去殺五兵備矣皇業所以勝殘雖事切

救焚苟順時以濟物恩深祝網不獲已而用兵○緩一作綏舊書職

官志尚書省領二十四司六尚書各分領四司兵部尚書
一員正三品南朝謂之五兵尚書隋曰兵部尚書龍朔改
為司戎太常伯咸亨復也爾雅釋天北極謂之北辰郭璞
注北極天之中以正四時賈誼過秦論履至尊而制六合
徐堅初學記天部天地四方曰六合易說卦聖人南面而
聽天下嚮明而治乘乾見對策文公羊傳隱公元年何言
乎王正月大一統也穀梁傳僖公二十七年衣裳之會十
有一未嘗有歟血之盟也左思魏都賦測之寒暑則霜露
所均邱遲與陳伯之書故知霜露所均不育異類姬漢舊
邦無取雜種左傳哀公七年禹合諸侯於塗山執玉帛者
萬國杜預注諸侯執玉附庸執帛塗山在壽春東北孔穎
達疏言萬國者舉盈數耳鄭氏注尚書以為數正滿萬國
案益稷州有十二師鄭以為每一師領百國州十有二師
則一州千二百國畿外八州總九千六百國其餘四百國
在畿內魯語吳伐越隨會稽獲骨焉節專車吳子使來好
聘且問之仲尼曰無以吾命賓發幣於大夫及仲尼仲尼
爵之既徹俎而宴客執骨而問曰敢問骨何為大仲尼曰
邱聞之昔禹致羣神於會稽之山防風氏後至禹殺而戮

之其骨節專車此爲大矣客曰防風氏何守也仲尼曰汪
芒氏之君也守封隅之山者也爲漆姓在虞夏商爲汪芒
氏於周爲長翟今爲大人韋昭注羣神謂主山川之君爲
羣神之主故謂之神防風汪芒氏之君名也鄭樵通志三
王紀今湖州武康防風故國也王制孔穎達疏鄭康成注
尙書云春秋傳曰禹鞠羣臣於會稽執玉帛者萬國以塗
山會稽爲一呂氏春秋八覽召數篇堯戰於丹水之浦以
服南蠻高誘注丹水在南陽浦岸也一日崖也書武成一
戎衣天下大定任昉爲齊宣德皇后重敦勸梁王令援義
而起一戎大定易比九五顯比王用三驅失前禽邑人不
誡吉王弼注夫三驅之禮禽逆來趣已則舍之背已而走
則射之愛於來而惡於去也故其所施常失前禽也用其
中正征討有常伐不加邑動必討叛邑人無虞故不誡也
沈約應詔樂遊苑餞呂僧珍詩命師誅後服授律緩前禽
就日見贈高四詩序易繫辭下弦木爲弧剡木爲矢弧矢
之利以威天下蓋取諸睽繫辭上鼓之以雷霆董仲舒賢
良策天道之大者在陰陽陽爲德陰爲刑刑主殺而德主
生周禮夏官司兵掌五兵五盾各辨其物與其等以待軍
事注鄭司農云五兵者戈殳戟戣矛步卒之五兵則
無夷矛而有弓矢勝殘去殺見論語尸子屋焚而人救之

則知德之年老者使塗隙戒突故終身無失火之患而不
知德也見羣書治要朱浮爲幽州牧與彭寵書蓋聞智者
順時而謀愚者逆時而動王弼易隨九四注雖爲常義志
在濟物祝網見疇昔篇老子兵者不祥之器非君子之器
不得已伏惟皇帝陛下登翠嫫以握圖憲紫微而正象
功不宰混太始以凝神至道無爲佇華胥而得夢闡文教
以清中夏崇武功以制九夷環海十洲通波太液之水鄧
林萬里交影甘泉之樹反踵穿胷之域襲冠帶以來王奇
肱脩耳之會奉正朔而請吏爲一作名。翠嫫見表注魏書崔楷傳握圖臨宇惣契裁
極晉書天文志紫微大帝之座天子之常居也左思吳都賦
憲紫宮以營室爾雅釋詁憲法也元功見靈泉頌老子
萬物不宰割以爲器用晉書郭璞傳璞上疏曰夫無爲而
爲之不宰以宰之固陛下之所體者也王筠昭明太子哀
策立德不器至功弗宰列子天瑞篇太易者未見氣也太

初者氣之始也太始者形之始也太素者質之始也又黃
帝篇黃帝卽位十有五年喜天下戴已又十有五年憂天
下之不治於是放萬機舍官寢去直侍徹鐘懸滅廚膳退
而閒居大庭之館齋心服形三月不親政事晝寢而夢遊
於華胥氏之國華胥氏之國在弇州之西台州之北不知
斯齊國幾千萬里蓋非舟車足力之所及神遊而已不知
樂生不知惡死故無夭殤不知親己不知疏物故無愛憎
不知背逆不知向順故無利害乘空如履實寢虛如處牀
雲霧不硌其視雷霆不亂其聽美惡不滑其心山谷不隳
其步神行而已黃帝旣寤悟然自得召天老力牧太山稽
告之曰今知至道不可以情求矣又二十有八年天下大
治幾若華胥氏之國張湛注不必便有此國也明至理之
必如此耳淮南曰正西曰弇州西北曰台州馮衍顯志賦
馳中夏而升降兮路紆軫而多艱爾雅釋地九夷八狄七
戎六蠻謂之四海邢昺疏案風俗通云東方人好生萬物
觝觸地而出夷者觝也其類有九依東夷傳夷有九種曰
畎夷干夷方夷黃夷白夷赤夷彘夷風夷陽夷又一日
菟二曰樂浪三曰高驪四曰滿飾五曰鳧更六曰索家七
曰東屠八曰倭人九曰天鄙史記孟子荀卿列傳中國名
曰赤縣神州赤縣神州內自有九州禹之序九州是也不
洛寓每集

得爲州數中國外如赤縣神州者九乃所謂九州也於是
有神海環之人民禽獸莫能相通者如一區中者乃爲一
州如此者九乃有大瀛海環其外天地之際焉江淹報袁
叔明書狂士之行有三其奇者則以紫天爲宇環海爲池
裸身大笑被髮行歌東方朔十洲記漢武帝旣聞王母說
八方巨海之中有祖洲瀛洲崑崙洲炎洲長洲元洲流洲生
洲鳳麟洲聚窟洲有此十洲乃人跡所稀絕處又始知東
方朔非世常人是以此延之曲室而親問十洲所在所有之
物名故書記之太液見春日離長安詩列子湯問篇夸父
不量力欲追日影逐之於隅谷之際渴欲得飲赴飲河渭
河渭不足將走北飲大澤未至道渴而死棄其杖尸膏肉
所浸生鄧林鄧林彌廣數千里焉高誘淮南子墜形訓注
夸父神獸也鄧猶木也宋敏求長安志宮室二關中記曰
林光宮一曰甘泉宮秦所造在今池陽縣西北故雲陽縣
甘泉山上三輔黃圖曰甘泉宮漢武帝建元中增廣之周
回一十九里雲南宮記曰甘泉宮北有槐樹今謂之玉槐
樹根幹盤峙二三百年木也耆老相傳咸以爲此樹卽揚
雄甘泉賦所謂玉樹青葱者也按邢承宗西征賦注又云
水名淮南子墜形訓自西南至東南方有結胷民穿胷民
自東北至西北方有跂踵民高誘注穿胷胷前穿孔達背

跂踵不至地以五指行案王融三月三日曲水詩序離
身反踵之君髻首貫冑之長李善注引高誘淮南子注曰
反踵國名其人南行迹北向也是跂踵亦作反踵矣漢書
終軍傳若此之應殆將有解編髮削左衽襲冠帶要衣裳
而蒙化者焉斯拱而竢之耳書大禹謨四夷來王山海經
海外西經奇肱之國在其北其人一臂三目有陰有陽乘
文馬奇音羈大荒北經有僖耳之國任姓禺號子食穀北
海之渚中郭璞傳其人耳大下僖垂在肩上朱崖僖耳鏤
畫其耳亦以放之也言在海島中種粟給食謂禺疆也案
大荒東經黃帝生禺號禺號生禺京號一本作號禺京郭
璞傳即禺疆也李善邱遲與陳伯之書注引文穎漢書注
曰羌胡名大帥為酋左思魏都賦思稟正朔樂率貢職史
記西南夷傳南越已滅夜郎遂入朝及漢誅
且蘭叩君并殺侏侯冉駹皆振恐請臣置吏逆賊蒙儉和
舍等浮竹遺孽沈木餘苗邑殊禮義之鄉人習貪殘之性
日者皇明廣燭帝道遐融頗亦削左衽而被朝衣解椎髻
而昇華冕而豺狼有性梟獍難馴遂敢亂我天常變九隆

而背誕負其地險攜七部以稽誅騷亂邊疆敍數州郡書

南蠻傳南詔蠻本烏蠻之別種也姓蒙氏自言哀牢之後
代居蒙舍州爲渠帥在漢永昌故郡東姚州之西其先渠
帥有六自號六詔國初有蒙舍龍生迎獨麗迎獨生細奴
邏高宗時來朝細奴邏生邏盛武后時來朝賜錦袍金帶
歸國新書地理志自太宗平突厥西北諸蕃及蠻夷稍稍
內屬卽其部落置州縣其大者爲都督府以其首領爲
都督刺史皆得世襲雖貢賦版籍多不上戶部然聲教所
暨皆邊州都督都護所領著于令式號爲羈縻云于州武
德四年以古滇王國民多姚姓因置姚州都督并置州十
三異州五陵州神州和往州舍利州范鄧州都督并置州
州日南州眉鄧州澄備州洛諾州右隸姚州都督府按閩
印元王府君碑稱姚府已西廿餘州當是武德後增置也
蒙儉襲刺史見於碑和舍當亦其首領也常璩南中志楚
莊躋泝沅水出且蘭以伐夜郎植牂牁繫船於是因名且
蘭爲牂牁國漢興有竹王者興於豚水初有一女子浣於
水濱有三節大竹流入女子足閒推之不肯去聞有兒聲
取持歸破之得一男兒長養有才武遂雄夷濮氏以竹爲
姓捐所破竹於野成林今竹王祠竹林是也唐蒙爲都尉

以重幣諭告諸種侯王侯王服從因斬竹王置牂牁郡以
吳霸爲太守及置越巂朱提益州四郡後夷漢阻城咸怨
竹王非血氣所生求立後嗣霸表封其三子列侯死配
食父祠今竹王三郎神是也漢書以竹王爲夜郎侯案且
蘭旣爲牂牁國夜郎無由與且蘭並域而居漢書西南夷
傳詠隔滇道者且蘭夜郎侯遂入朝而竹王不載並無夜
郎被誅之事以常志證之竹王非夜郎廼且蘭也後漢書
西南夷傳哀牢夷者其先有婦人名沙壹居于牢山嘗捕
魚水中觸沈木若有感因懷妊十月產子男十人後沈木
化爲龍出水上沙壹忽聞龍語曰若爲我生子今悉何在
九子見龍驚走獨小子不能去背龍而坐龍因舐之其母
鳥語謂背爲九謂坐爲隆因名子曰九隆及後長大諸兄
以九隆能爲父所舐而黠遂共推以爲王後牢山下有一
夫一婦復生十女子九隆兄弟皆娶以爲妻後漸相滋長
種人皆刻畫其身象龍文衣皆著尾李陵答蘇武書身出
禮義之鄉而入無知之俗陳琳爲袁紹檄豫州貪殘酷烈
於操爲甚班固東都賦考聲教之所被散皇明以燭幽徐
錯說文繫傳融鎔也氣土融散也削左衽見上襲冠帶句
注後漢書西南夷傳西南夷者在蜀郡徼外其人皆椎結
左衽邑聚而居史記陸賈傳尉他魋結索隱魋直追反結

首計謂爲髻一撮以椎而結之左傳閔公元年戎狄豺狼不可厭也漢書郊祀志祠黃帝用一梟破鏡注孟康曰梟鳥名食母破鏡獸名食父如羆而虎眼任昉述異記獍之爲獸狀如虎豹而小始生還食其母故曰梟獍左傳文公十八年傲狼明德以亂天常昭公元年伯州犁日子姑憂子皙之欲背誕也易坎卦地險山川邱陵也華陽國志蜀志汶山郡邛之初有七部後爲七部營軍新書南蠻傳烏蠻與南詔世昏姻其種分七部落一曰阿芋路居曲州靖州故地二曰阿猛三曰夢山四曰暴蠻五曰盧鹿蠻二部落分保竹子嶺六曰磨彌斂七曰勿鄧晉書王導傳徐龕叛戾久稽天誅詩大雅徐方繹駉傳駉動也說文三篇鼓強取也周書曰鼓攘矯虔數與攘同是用三門授律長馳無戰之師五月渡瀘深入不毛之地去月二十

一日軍次三朐崑崙嶺前後捕得生口知守捉山羌傍山連結十部蠻首徒五萬眾此山卽南郡中之巨防也岡巒千里西通大荒之郊谿谷萬重南極炎洲之境聳喬林而

插漢陰兔有假道之標拔崇巖以隱天陽鳥無迴翼之地

峰危東馬路絕懸車賊據臨代之形負建瓴之勢徵風召

雨蝟起蜂飛驅雜種以挺災封狐千里肆沈黎而作孽雄

虺九頭

鳧崙鎮一作崙鎮首一作有。後漢書文苑高彪傳天有太一五將三門地有九變邱陵山川章懷

太子注太一式凡舉事皆欲發三門順五將三門者開門

休門生門宋書武帝紀授律羣后泝流長驚淮南王安諫

譏閩越書臣聞天子之兵有征而無戰言莫敢校也鍾會

檄蜀文王者之師有征無戰何休公羊傳宣公十二年注

燒塋不生五穀曰不毛事詳軍中行路難三肅崑崙鎮地

名未詳漢書趙充國傳虜數挑戰充國堅守捕得生口言

羌豪相數責曰語汝亡反新書兵志唐初兵之戍邊者大

日軍小曰守捉曰城曰鎮而總之者曰道其軍城鎮守捉

皆有使而道有大將一人曰大總管地理志劔南道姚州

雲南都下武德四年以漢雲南縣地置縣三有澄川南江

二守捉城新書南蠻傳南詔有十賧夷語賧若州曰雲南

賧白崖賧亦曰勃弄賧品澹賧澄川賧蒙舍賧大釐賧亦

曰史賧苴咩賧亦曰陽賧蒙秦賧大和賧趙川賧董衡釋
音賧九儉切秦策長城鉅防足以爲塞左思蜀都賦峻岵
陸埒長城豁險吞若巨防又岡巒糾紛觸石吐雲山海經
大荒西經大荒之中有山名曰大荒之山日月所入是謂
大荒之野魏文帝苦寒行谿谷少人民雪落何霏霏十洲
記炎洲在南海中地方二千里去北岸九萬里水經注清
水篇左右連山插漢秀木于雲左思蜀都賦羲和假道於
峻岐陽鳥迴翼乎高標庾信秦州天水郡麥積崖佛龕銘
陰兔假道陽鳥迴翼班固西都賦其陽則崇山隱天幽林
穹谷李善注楊雄蜀都賦曰蒼山隱天魏志鄧艾傳泰始
三年議郎段灼上疏理艾曰艾受命忘身束馬懸車自投
死地勇氣陵雲土眾乘勢使劉禪君臣面縛以手屈膝史
記趙世家毋卹曰從常山上臨代代可取也詳贈高四詩
漢書高帝紀六年田肯賀上曰秦地勢便利其以下兵於
諸侯譬猶居高屋之上建瓴水也注如淳曰瓴盛水瓶也
居高屋之上而幡瓴水言其向下之勢易也建音寢蘇林
曰瓴讀曰鈴師古曰如蘇音說皆是建音居偃反周書異
域傳突厥之先伊質泥師都浪所生也旣別威異氣能徵
召風雨隋書高祖傳羣臣於焉崛起三方因而鼎立又高
祖紀蜂飛蠭聚江漢駭然從漢書度尙傳零陵賊反尙躬

率部曲與同勞逸廣募雜種諸蠻夷明設購賞進擊大破
之新書南蠻傳自浪稽以下古與王哀牢雜種其地與吐
蕃接亦有姐羌古白馬氏之裔漢書武帝紀元鼎六年定
西南夷曰爲武都牂柯越巂沈黎文山郡注臣瓚曰茂陵書
沈黎治徼都去長安三十三百三十五里領縣二十一漢書西
南夷傳自滇以北君長以十數邛都最大自越巂以東北
君長以十數徙徼都最大及漢誅且蘭邛君并殺徼侯以
邛都爲粵徼郡徼都爲沈黎郡封狐雄廄並見軍中行路
難詩臣以爲制敵以權柔遠者祇成於德教伐叛以義決勝

者不在乎干戈於是廣布朝恩恭宣帝澤申之以安撫曉

之以存亡信重蠻陬無負黃龍之約賞隆漢爵不渝白馬

之盟而地接冉駝詞屢殫於喻蜀俗通槃瓠聲不輟於吠

堯

祇一律理朝一作皇。漢書霍光金日磾傳贊因權制敵以成其忠書舜典柔遠邇潘岳西征賦奉義辭以伐

叛吳子圖國第一不和於陳不可以進戰不和於戰不可以決勝江統徙戎論戎狄乘閒得入中國或招誘安撫以

爲已用周書郭彥傳論信著蠻貊後漢書南蠻傳板楯蠻
夷者秦昭襄王時有一白虎常從羣虎數遊秦蜀巴漢之
境傷害千餘人昭王乃重募國中有人能殺虎者賞邑萬家
金百鎰時有巴郡閬中夷人能作白竹之弩乃登樓射殺
白虎昭王嘉之而曰其夷人不欲加封乃刻石盟銘要復
夷人頃田不租十妻不算傷人者論殺人者得以俸錢贖
死盟曰秦犯夷輸黃龍一雙夷犯秦輸清酒一鍾夷人安
之漢書高惠高后文功臣表漢興八載而天下迺平始論
功而定封訖十二年侯者百四十有三人封爵之誓曰使
黃河如帶泰山若礪國以永存爰及苗裔於是申以丹書
之信重以白馬之盟史記司馬相如傳相如爲郎數歲會
唐蒙使畧畧通夜郎西焚中發巴蜀吏卒千人郡又多爲發
轉漕萬餘人用軍興法誅其渠帥巴蜀民大驚恐上聞之
乃使相如責唐蒙因喻告巴蜀民以非上意相如還報天
子問相如相如曰邛笮冉駹者近蜀道亦易通秦時嘗通
爲郡縣至漢興而罷今誠復通爲置郡縣愈於南夷天子
以爲然乃拜相如爲中郎將建節往使便畧定西夷邛笮
冉駹斯榆之君皆請爲內臣還報天子天子大悅案冉駹
今四川茂州後漢書南蠻傳昔高辛氏有犬戎之寇乃訪
募天下有能得犬戎之將吳將軍頭者購黃金千鎰邑萬

家又妻呂少女時帝有畜狗其毛五彩名曰槃瓠下令之
後槃瓠遂銜人頭造闕下羣臣怪而診之乃吳將軍首也
帝大喜議欲有報而未知所宜女聞之以爲帝皇下令不
可違信因請行帝不得已乃曰女配槃瓠槃瓠得女負而
走入南山止石室中於是女解去衣裳爲僕鑿之結著獨
力之衣經三年生子一十二人六男六女槃瓠死後因自
相夫妻織績木皮染曰草實好五色衣服製裁皆有尾形
其母後歸曰狀白帝於是使迎致諸子衣裳班蘭語言侏
離好入山壑不樂平曠帝順其意賜曰名山廣澤其後滋
蔓號曰蠻夷今長沙武陵蠻是也章懷太子注魏畧曰高
辛氏有老婦居王室得耳疾挑之乃得物大如薊婦人盛
瓠中覆之以槃瓠頃化爲犬其文五色因名槃瓠史記淮
陰侯傳蒯通至上曰若教淮陰侯反乎對臣遣左三軍子
曰路之狗吠堯堯堯非不仁狗固吠非其主

總管甯遠將軍前守右驍騎萬安府長史折衝都尉上駐

國劉惠基率檢校果毅驍騎尉井陘縣開國男劉平陳等
銜枚遠襲卷甲前驅偃危旆而設潛兵疑從天落乘閒道

而掩不備若出地中

惠一作會前一作長。玉海官制部

號使持節蓋漢刺史之任會要武德元年因隋舊制為大
總管七年二月十八日改大總管曰大都督貞觀三年八
月李靖除定襄道行軍大總管已後行軍即稱總管本道
即稱都督新書百官志武散階四十有五正五品上曰定
遠將軍正五品下曰甯遠將軍懷化郎將又十六衛武德
五年改左右翊衛曰左右衛府左右禦衛曰左右驍衛
府左右屯衛曰左右威衛左右禦衛曰左右監門府左右
備身府曰左右府惟左右武衛府驍衛府武衛府皆省府
字仍隋不改龍朔二年左右衛府驍衛府武衛府皆省府
兵志府兵之制起自西魏後周而備於隋唐與因之武德
初始置軍府以驍騎車騎兩將軍府領之析關中為十二
道皆置府以車騎府統之六年改驍騎曰統軍車騎曰別
將太宗貞觀十年更號統軍為折衝都尉別將為果毅都
尉諸府總曰折衝府凡天下十道置府六百三十四皆有
名號而關內二百六十有一皆以隸諸衛凡府三等兵千
二百人為上千人為中八百人為下府置折衝都尉一人
左右果毅都尉各一人長史兵曹別將各一人校尉六人
其隸於衛也左右衛皆領六十府諸衛領五十至四十其

餘以魏東宮六率凡發府兵皆下符契州刺史與折衝勘
契乃發若全府發則折衝以下皆行不盡則果毅行少則
別將行舊書職官志勲官者階爵之外更爲節級武德初
雜用隋制至七年頒令定用上柱國柱國上大將軍大將
軍上輕車都尉輕車都尉上騎都尉騎都尉驍騎尉飛騎
尉雲騎尉武騎尉凡十二等起正二品至從七品新書百
官志太宗省內外官定制爲七百三十員然是時已有員
外置其後又有特置同正員至於檢校兼守判知之類皆
非本制地理志河北道鎮州井陘百官志凡爵九等一曰
王食邑萬戶正一品二曰嗣王郡王食邑五千戶從一品
三曰國公食邑三千戶從一品四曰開國郡公食邑二千
戶正二品五曰開國縣公食邑千五百戶從二品六曰開
國縣侯食邑千戶從三品七曰開國縣伯食邑七百戶正
四品上八曰開國縣子食邑五百戶正五品上九曰開國
縣男食邑三百戶從五品上周禮夏官大司馬中軍以鼙
令鼓鼓人皆三鼓羣司馬振鐸車徒皆作遂鼓行徒銜枚
而進鄭康成注枚如箸銜之有繻結項中軍法止語爲相
疑惑也孫子軍爭篇是故卷甲而趨日夜不處倍道兼行
淮南子兵畧訓卒如雷霆疾如風雨若從地出若從天下
史記淮陰侯列傳廣武君李左車說成安君曰願足下假

臣奇兵三萬人從間路絕其輜重左傳昭公
二十九年凡師輕曰襲杜預注掩其不備 又遣右三軍

子總管明威將軍行右武衛翊府中郎將上柱國高奴弗

率左武衛天水府折衝都尉張仁操等陟南山之南衝其

要害之路又遣左一軍子總管前右金吾衛翊府左郎將

上柱國孫仁感率衛尉府左果毅都尉王文雅等凌北山

之北絕其飛走之途新書百官志武散階從四品上曰宣威將軍從四品下曰明威將軍舊書

職官志左右衛每府中郎一人中郎將一人皆四品下左

右郎將各一人正五品上左右武衛翊府中郎將左右郎

將人數品秩如左右衛後漢書逸民傳法真性恬靜寡欲

不交人間事太守請見之欲以功曹相屈真曰日明府見

待有禮故敢自同賓末若欲吏之真將在北山之北南山

之南矣賈誼過秦論良將勁弩守要害之處漢書西南夷

傳大司農豫調穀積要害處注師古曰要害者在我為要

於敵為害也顧炎武曰此解未盡要害為攻守必爭之地

我可以害彼彼可以害我謂之要害人身亦有要害素問岐伯對黃帝曰脉有要害後漢書來歙傳中臣要害舊書職官志左右金吾衛秦曰中尉掌徵巡武帝改名執金吾隋曰侯衛龍朔二年改為左右金吾衛采古名也翊府中郎將左右郎將品秩人數職掌如左右衛也諸府折衝都尉各一人上府都尉正四品上中府從四品下下府正五品下左右果毅都尉各一人上府果毅從五品下中府正六品上下府從六品下按元宗親征吐蕃制衛尉兼檢校左金吾大將軍王毛仲為左一軍總管右金吾將康海源為副左武衛大將軍李昌為右一軍總管左武衛將軍馬衛為副左羽林大將軍趙成為左二軍總管右領軍將軍秦義禮為副右羽林將軍楊敬述為左三軍總管右領軍將軍鮮于庭誨為副左羽林將軍馬崇為右三軍總管右監門將軍執失善光為副據舊書高宗紀上元三年洛州牧周王顯為洮州道行軍行帥領工部尚書劉審禮等十二總管以討吐蕃裴行儉傳上元三年詔行儉為洮州道左二軍總管是裴行儉乃十二總管之一耳其餘出師不必盡然也賊首領楊虔柳諾沒弄諾覽斯等振螳螂之力拒轍當輪縱蚊蚋之羣彌山滿谷

劉惠基高奴弗孫仁威等並忠勤克著智畧遠聞識明君

之重恩輕生有地提太阿之神劒視死無時彎弧而凶黨

土崩舉刃而妖徒瓦解雖危若沸鼎末窮梟首之誅救死

扶傷猶致析骸之請

斯一作期惠一作會請一作爨。莊子內篇人間世汝不知夫螳螂舉足將搏其輪問其御曰此何蟲也御曰此是螳

其臂以當車轍不知其不勝任也韓詩外傳齊莊公出獵

有螳螂舉足將搏其輪問其御曰此何蟲也御曰此是螳

蜋也其為蟲知進而不知退不量力而輕就敵莊公曰以

為人必為天下勇士矣於是迴車避之而勇士歸之說文

十三篇秦晉謂之螭楚謂之蠱蠱齧人飛蟲司馬相如子

虛賦列卒滿澤罟網彌山注郭璞曰彌覆也諸葛亮與張

裔蔣琬書姜伯約忠勤時事六韜文韜無智畧權謀而重

賞尊爵之故強勇輕戰僥倖於外王者謹勿使為將漢書

吾邱壽王傳知畧輻湊曹植求自試表今臣蒙國重恩三

世於今矣太阿見前史記范雎蔡澤列傳以義死難視死

如歸魏書房豹子傳梟擒首逆剋剪凶黨史記平津侯主

父列傳徐樂曰臣聞天下之患在於土崩不在於瓦解大

戴禮勸學篇南方有鳥名曰蛟鳩以羽爲巢編之以髮繫
之葦若風至者折子死卵破巢非不完也所繫者然也陳
琳徵吳將校部曲鶴鳩之鳥巢於葦苕苕折子破下愚之
惑也今江東之地無異葦苕諸賢處之信亦危矣李善注
說文曰葦大葦也苕葦同後漢書劉陶傳此猶養魚沸鼎
之中棲鳥烈火之土水木本魚鳥之所生也用之不時必
至焦爛崔寔政論昔高祖令蕭何作九章之律黔劓斷趾
斷舌梟首故謂之具五刑淮南子兵畧訓涉血屬腸輿死
扶傷左傳宣公十五年楚師將去宋申犀稽首於王之馬
前曰母畏知死而不敢廢王命王棄言焉王不能答申叔
時僕曰築室反耕者宋必聽命從之宋人懼使華元夜入
楚師登子反之牀起之曰寡君使元以病告曰敝邑易子
而食析骸以爨雖然城下之盟有以國
斃不能從也去我三十里唯命是聽

二十二日臣遣副

總管兼安撫副使定遠將軍前左驍騎尉府中郎將合狐
智通率右武衛郎將壯府左果毅都尉韓惠德等擁貔豹
之雄順天機而左轉遣副總管兼安撫副使朝議大夫使

持節守銀州刺史上柱國宜春縣開國男李大志率前左

武衛靜福府右果毅都尉上柱國陳宏義等驅犀象之卒

乘地軸以右迴

騎一作衛二兼字一本俱作內福一作初

省天下諸州水旱則遣使有巡察安撫存撫之名又節度

使又兼安撫使則有副使判官各一人書牧誓尙桓桓如

虎如貔如熊如羆於商郊按唐避虎字故云貔豹漢書諸

侯王表常山以南太行左轉晉書天文志周髀家云天圓

如張蓋地方如碁局天旁轉如推磨而左行日月右行隨

天左轉故日月實東行而天牽之以西沒譬之於蟻行磨

石之上磨左旋而蟻右去磨疾而蟻遲故不得不隨磨以

左迴焉又樂志宣受命應天機新書百官志凡文散階二

十九正五品上曰中散大夫正五品下曰朝議大夫從五

品上曰朝請大夫從五品下曰朝散大夫地理志關內道

銀州銀川郡江南道袁州宜春木華海賦狀如天輪膠戾

而激轉又似地軸挺拔而爭迴庾信周長孫儉神道碑地

軸左轉天

又遣行軍司馬朝散大夫守雋州都督府長史

關北開

上柱國梁待辟率守右金吾衛宜昌府果毅都尉閻文成

等總投石超距之材蹈中權而拊其背又遣前守右威衛

龍西府果毅都尉康畱買等騰躍鐵飲金之騎犯前茅而

扼其喉

新書百官志行軍司馬掌弼戎政居則習蒐狩有役則申戰守之法元和郡縣志劍南道雋州秦漢

爲邛都國至漢武帝乃以邛都之地爲越巂郡屬益州按

郡有越水巂水出深羌界言越巂者以彰威德遠也周武

帝天和三年置巂州隋開皇六年改爲西甯州十八年改

爲巂州皇朝因之新書地理志巂州中都督府百官志大

都督府長史一人從三品中都督府一人正五品上下都

督府一人從五品上史記白起王翦列傳荆聞王翦益軍

而來乃悉國中兵以拒秦王翦至堅壁而守之不肯戰久

之王翦使人問軍中戲乎對曰方投石超距於是王翦曰

士卒可用矣集解徐廣曰超一作拔胡三省通鑑秦紀二

注投石以石投人也齊高固築石以投人是也超距距躍

也晉魏犖距躍三百是也左傳宣公十二年前茅慮無中

標後勁杜預注慮無如今軍行前有斥候踰伏皆持以絳

及白爲幡見騎賊舉絳幡見步賊舉白幡備慮有無也茅
明也或曰時楚以茅爲旌識中軍制謀後以精兵爲殿漢
書婁敬傳夫與人鬪不搯其亢拊其背未能全勝注張晏
曰亢喉嚨也師古曰搯與捥同謂捉持之也舊書職官志
左右威衛隋爲左右屯衛龍朔改爲威衛光宅改爲左
右豹韜衛馬以鐵爲甲故曰躍鐵以金爲勒故曰歆金臣
等率守左衛清宮府左果毅許懷秀等橫玉弩以高臨撻
金鉦而直進乎雲結陣影密西郊赤堇揮鋒氣衝南斗颺
塵埃而匝地白日爲之晝昏積氛禔以稽天滄溟爲之晦
色舊書職官志周制軍將皆命卿至秦漢始置衛將軍後
漢魏因之晉武帝始置左右中三衛將軍至隋始置左
右衛國家因之梁簡文帝阻歸賦屬乎玦之啓異逢玉弩
之相驚金鉦見軍中行路難隋書天文志四始之日有黑
雲氣如陣厚重大者多雨氣若霧非霧衣冠不雨而濡見
則其城帶甲而趣漢書禮樂志郊祀歌結乎雲駕飛龍西
郊見秋雲詩越絕書外傳記寶劍王取純鉤薛燭對曰當
造此劍之時赤堇之山破而出錫若耶之溪涸而出銅雨

師掃灑雷公擊橐蛟龍捧鑪天帝裝炭太一下觀天精下
之歐冶乃因天之精神悉其伎巧南斗見檄文後漢書光
武紀旗幟蔽野埃塵連天鉦鼓之聲聞數百里班固東都
賦日月爲之奪明邱陵爲之搖震氛祲見軍中行路難莊
子內篇逍遙遊大
浸稽天而不溺 兵交刃接鳥散魚驚自卯及申追奔逐

北斬首千餘級轉戰三十里激流膏而爲泉似變萇宏之

血委亂骸而擠壑若泛鼃靈之屍

淮南子兵畧訓未至兵交接刃而敵人奔亡陳

書武帝紀卹是同盟誅其醜類莫不魚驚鳥散面縛頭懸
李陵答蘇武書以五千之衆對十萬之軍策疲乏之兵當
新羈之馬然猶斬將奪旗追奔逐北章懷太子後漢書光
武紀注秦法斬首一賜爵一級故因謂斬首爲級後漢書
吳漢傳踰越險阻轉戰千里木華海賦顱骨成嶽流膏爲
淵莊子雜篇外物萇宏死於蜀藏其血三年而化爲碧謝
靈運曇隆法師誄委骸空野豈異豈矯左傳昭公十三年
侍者曰甚焉小人老而無子知擠於溝壑矣杜預注擠隊
也水經注江水篇來敏本蜀論曰荆人壘合死其尸隨水
上荆人求之不得令至汶山下復生起見望帝望帝者杜

宇也從天下女子朱利自江源出爲宇妻遂王於蜀號曰望帝望帝立以爲相時巫山峽而蜀水不流帝使令鑿巫峽通水蜀得陸處望帝自以德不若遂以國禪號曰開明案龍令蜀王本紀作鯀冷王象之杜宇龍令辨曰鯀令亦作鯀靈墓在郫西五里盧文弼鍾山札記曰水經注荆人龍令此乃人名蜀志作龍靈新校本於漢志牂柯郡有龍縣之注遂改爲龍令似謂龍縣之令非也既而照盡高春雲昏乙夜賊乃收集

餘衆保據重巖臣度彼遊魂慮其宵遁使三軍齊進四面

合圍淮南子天文訓曰至於淵虞是謂高春至於連石是謂下春高誘注淵虞地名高春時加戌民碓春時顏

之推家訓書證篇或問一夜何故五更更何所訓答曰漢

魏以來謂爲甲夜乙夜丙夜丁夜戊夜所以爾者假令正

月建寅斗柄夕則指寅曉則指午矣自寅至午凡歷五辰

冬夏之月雖復長短參差然辰間達潤盈不至六縮不至

四進退常在五者之間故曰五更爾宋書武帝紀盧循至

晉昌爲孫季高所破收餘衆南走周書異域傳建德初李

暉爲梁州總管諸獠亦並從附然其種類繁多保據巖壑

依林走險若履平地雖屢加兵弗可窮討蜀志先主傳令

操遊魂得遂長惡晉書謝平傳棄甲宵遁魏志諸葛二十
誕傳大將軍乃自臨圍四面進兵同時鼓譟登城

三日乘魚燭之危啓蛇行之陣揚麾誓眾杖節訓兵一鼓

先登賞必懸於芳餌九攻失律罪無赦於嚴誅五部材雄

三河俠少或生居燕地尤工卽墨之圍或家本秦人早習

昆明之戰叱咤則江山搖蕩指揮則林壑飛騰舉鵬力以

揚威耀犀渠而賈勇澄氛廊廡同夏景之漬春冰滅迹掃

秦若霜風之卷秋籜

材雄本作雄材今據玉海行一作形
指揮一作慷慨○公羊傳僖公十九

年梁亡魚爛而亡也何休注魚爛從內發孫子九地篇故
善用兵者譬如率然率然者常山之蛇也擊其首則尾至
擊其尾則首至擊其中則首尾俱至書牧誓王朝至於商
郊牧野乃誓王左杖黃鉞右秉白旄以麾傳至牧地而誓
眾漢書蘇武傳杖漢節牧羊臥起操持節旄盡落左傳莊
公十年一鼓作氣史記貨殖傳故壯士在軍攻城先登陷

陣卻敵斬將擐旗前蒙矢石不避湯火之難者爲重賞使
也藝文類聚武部軍識曰軍無財士不來軍無賞士不往
故良餌之下有懸魚重賞之下有勇夫梁平帝蕃難未靜
述懷詩單醪結猛將芳餌引羣雄墨子公輸第五十公輸
盤爲楚造雲梯之械成將以攻宋子墨子聞之起於齊行
十日十夜而至於郢見公輸盤子墨子解帶爲城以襟爲
械公輸盤九設攻城之機變子墨子九距之公輸盤之攻
械盡子墨子之守圉有餘楚王曰善哉吾請無攻宋矣易
師初六師出以律否臧凶象曰師出以律失律則散故師出以律
注爲師之始齊師者也齊眾以律失律則散故師出以律
律不可失失律而臧何異於否失令有功法所不赦故師
出不以律否臧皆凶華陽國志南中志建興三年改益州
爲建甯分建甯越嶲置雲南郡又分建甯牂牁置興古郡
移南中勁卒青羌萬餘家於蜀爲五部所當無前號爲飛
軍配大姓焦雍婁爨孟量毛李爲部曲置五部都尉號五
子故南人言四姓五子也史記高祖紀悉發關內兵收三
河士南浮江漢以下集解韋昭曰河南河東河內五部言
土兵三河言客兵也卽墨見上廉察使啓昆明見帝京篇
後漢書皇甫嵩傳嵩見上振風雲叱咤可目興雷電隋
書李德林傳與兵學界嵩見江山山海經中山經釐山有

駭焉其狀如牛蒼身其音如嬰兒是食人其名曰犀渠郝
懿行曰犀渠蓋犀牛之屬也吳語云奉文犀之渠吳都賦
云戶有犀渠疑古用此獸皮蒙楯故因名楯為犀渠南齊
書高帝紀拯傾提危澄氛靜亂晉書苻堅載記今有勁卒
百萬文武如林鼓行而摧遺晉若商風之隕秋籜戰踰百
賀遜亮大唐平百濟國碑銘冰銷夏日葉碎秋霜

里時歷三朝生擒四千餘人斬首五千餘級諾沒弄楊虔

柳等殞元行陣懸首旌門蒙儉和舍等委眾奔馳脫身鋌

險雖復刑以止殺丁壯咸伏於誅夷禮不重傷班白必存

於寬宥

班彪王命論舉韓信於行陣周禮天官掌舍為帷宮設旌門左傳文公十七年鋌而走險急何能擇

杜預注

鋌疾走貌書君陳辟以止辟乃辟傳刑之而懲止

犯刑者乃刑之淮南子人間訓楚攻宋圍其城丁壯者死

老病童兒皆上城牢守而不下漢書霍光金日磾傳贊宗

族誅夷左傳僖公二十二年君子不重傷不禽二毛杜預

注二毛頭白有二色禮王制班白昔魏臣賦蜀徒聞蒟醬

者不提挈鄭康成注雜色曰班

之奇漢使開邛纔通竹杖之利豈若膺紫泥而弔伐指丹

微以臨戎一戰而孟獲成禽再舉而哀牢授首斯並皇威

遠暢廟畧遐宣奉卣猷以配天徒知帝力掩皇輿而闢地

豈曰臣功無任慶快之至謹遣某奉露布以聞軍資器械

別簿條上

左思蜀都賦其園則有蒟蒻茱萸瓜蒔芋區劉逵注蒟蒻醬也緣樹而生其子如桑椹熟時正

青長二三寸以蜜藏而食之辛香溫調五臟又邛杖傳節

於大夏之邑蒟醬流味於番禺之鄉劉逵注南越傳曰使

唐蒙諷曉南越食蒙以蒟醬蒙問何從來答曰西北牂牁

江廣數里出番禺城下故漢書曰感蒟醬竹杖則開牂牁

越嶲也案左思仕晉云魏臣者晉受魏禪也漢書張騫傳

騫曰臣在大夏時見邛竹杖蜀布問安得此大夏國人口

吾賈人往市之身毒國身毒國在大夏東南可數千里今

身毒又居大夏東南數千里有蜀物此其去蜀不遠矣天

子迺令因蜀犍爲發閒使四道並出其北方開氏筰南方

閉焉昆明漢使終莫能通注臣瓚曰邛山名生此竹高節

可作杖南中志身毒國蜀之西國今永昌是也衛宏漢舊儀皇帝六璽皆白玉螭虎紐以皇帝行璽爲凡難以皇帝之璽賜諸侯王書以皇帝信璽發兵其徵大臣以天子行璽策拜外國事以天子之璽事天地鬼神以天子信璽皆以武都紫泥封青布囊白素裏兩端無縫尺一板中約署皇帝帶綬黃地六采不佩璽璽以金銀滕組侍中組負以從崔豹古今注都邑第二丹徼南方徼色赤故稱丹徼爲南方之極也蜀志諸葛亮傳裴松之注漢晉春秋曰亮在南中所在戰捷聞孟獲者爲夷漢並所服募生致之旣得使觀於營陣之間問曰此軍何如獲對曰向者不知虛實故敗今蒙賜觀看營陣若祇如此卽定易勝耳亮笑縱使更戰七縱七禽而亮猶遣獲獲止不去曰公天威也南人不復反矣遂至滇池南中平周書武帝紀一鼓而蕩平陽再舉而推勅敵諸葛亮後出師表舉兵北征夏侯授首潘岳西征賦教敷而彝倫敍兵舉而皇威暢隋書賀若弼傳親承廟畧遠振國威帝力見上廉察使啓楚辭離騷經豈余身之憚殃兮恐皇輿之敗績王逸注皇君也君之所乘也以諭國也

兵部奏姚州破賊設蒙儉等露布

儉一作險又作賧

臣聞七緯經天星墟分張翼之野八紘紀地炎洲限建木

之鄉西距大秦雜金行而孕氣南通交趾枕銅柱以爲隣

俗帶白狼人習貪殘之性河淪赤虺川多風雨之妖水積

炎氛山涵毒霧

孕一作布氛一作蒸。劉晝新論思慎第

行案七緯日月五星也漢書地理志周地柳七星張之分

野也楚地翼軫之分野也淮南子墜形訓九州之外乃有

八殞入殞之外而有八紘高誘注紘維也維落天地而爲

之表故曰紘炎洲見上篇淮南子墜形訓建木在都廣衆

帝所自上下日中無景呼而無響蓋天地之中也高誘注

建木其狀如牛引之有皮若纓黃蛇葉若羅都廣南方山

名張柬之乞省罷姚州表前漢唐蒙開夜郎滇徼而哀牢

不附至光武季年始請內屬漢置永昌郡以統理之乃收

其鹽布氊蜀之稅以利中國其國西通大秦南通交趾奇

珍異寶進貢歲時不闕後漢書西域傳大秦國一名犂鞞

以在海西亦云海西國地方數千里其人民皆長大平正

有類中國故謂之大秦案魏書西域傳大秦國東南通交

趾又水道通益州永昌郡於彼處觀日月星辰無異中國
而前史云條支西行百里日入處失之遠矣以西距大秦
證之魏收此傳核於班史矣又西羌傳贊金行氣剛播生
西羌交趾見從軍中行路難後漢書馬援傳注廣州記曰
援到交趾立銅柱爲漢之極界也水經注溫水篇鬱水又
南自壽冷縣注於海昔馬文淵積石爲塘達於象浦建金
標爲南極之界俞益期賤曰馬文淵立兩銅柱於林邑岸
北山川移易銅柱今復在海中林邑記曰建武十九年馬
援樹兩銅柱於象林南界與西屠國分漢之南疆也左思
蜀都賦陪以白狼夷歌成章劉逵注白狼夷在漢壽西界
顧祖禹方輿紀要赤水河在貴州畢節衛一名赤虺河按
漢書地理志犍爲郡南廣縣又有大涉水北至符入江華
陽國志平夷縣有安樂水又符縣治安樂水會東接巴蜀
樂城南水通平羌龍縣水經江水又東過符縣北邪東南
歸部水從符關東北注之郾道元注縣故巴夷之地也漢
武帝建元六年以唐蒙爲中郎將從萬人出巴符關者也
明楊慎赤虺河行君不見赤虺河源出芒部虎豹之林猿
猱路皆此水也源出雲南鎮雄州班鳩井逕四川敘永廳
貴州畢節縣黔西州懷仁縣仁懷直隸廳至四川合江縣
入江武侯之渡瀘也說者謂瀘水卽金沙江常璩南中志

國之患年將千祀代厯百王鄭純之化不追孟獲之風逾

煽故三年疲衆徒聞定筴之譏五月出師未息渡瀘之役

設一作彼○三節九隆並見上篇華陽國志士女志鄭純

字長伯鄰人也爲益州西部都尉處地金銀琥珀犀象翠

羽出作此官者皆皆及十世純獨清廉毫毛不犯夷漢歌

歎明帝嘉之乃改西部爲永昌郡以純爲太守在官十年

卒列畫頌東觀又南中志趙裔叟帥高定元殺郡將軍焦

瑛舉郡稱王以叛益州大姓雍闓亦殺太守正昂更以蜀

若張裔爲太守閬執送裔於吳吳王孫權遙用閬爲永昌
太守遣故劉璋子闡爲益州刺史牂牁郡丞朱提朱褒領
太守恣睢諸葛亮以初遭大喪未便加兵遣趙雲太守巴
西龔祿住安上縣遙領郡從事蜀郡常頌行部南入順至
牂柯收郡主簿考訊姦褒因殺頌爲亂益州夷復不從閬
閬使建甯孟獲說夷叟曰官欲得烏狗三百頭膺前畫黑
蠭脂三斗斲木槽三丈者三千枚汝能得不夷皆從閬斲
木堅剛性委曲高不至二丈故獲以欺夷建興三年春亮
南征自安上由水路入越嵩別遣馬忠伐牂牁李恢向益
州五月渡瀘進征益州生虜孟獲亮以方務在北而南中
好叛亂宜窮其詐乃赦獲使還合軍更戰凡七虜七赦獲
等心服夷漢亦思反善秋遂平四郡置五部都尉收其俊
傑建甯襲習朱提孟琰及獲爲官屬習官至領軍琰輔漢
將軍獲御史中丞出其金銀丹漆耕牛戰馬給軍國之用
史記司馬相如傳邛笮之君長聞南夷與漢通得賞賜多
多欲願爲內臣妾請吏比南夷天子乃拜相如爲中郎將
建節往使司馬長卿便畧定西夷邛笮冉駹斯榆之君皆
請爲內臣還報天子天子大說相如使時蜀長老多言通
西南夷不爲用唯大臣亦以爲然相如欲諫業已建之不
敢乃著書籍以蜀父老爲辭而已詰難之以風天子且因

宣其使指令百姓知天子之意其辭曰漢興七十有八載
德茂存乎六世威武紛紜湛恩汪濊羣生澍濡洋溢乎方
外於是乃命使西征隨流而攘風之所被罔不披靡因朝
冉從驍定律存功畧斯榆舉苞滿結軌還轅東鄉將報至
於蜀都耆老大夫薦紳先生之徒二十有七人儼然造焉
辭畢因進曰蓋聞天子之於夷狄也其義羈縻勿絕而已
今罷三郡之士通夜郎之塗三年於茲而功不竟士卒勞
倦萬民不贍今又接以西夷百姓力屈恐不能卒業此亦
使者之累也竊爲左右患之索隱文穎曰邛者今爲邛都
縣笮者今爲定笮縣皆屬越巂郡也笮音鑿五月渡瀘已
見上然則大人拯物上聖乘時法乾坤以握樞體剛柔而
篇

建極知仁義不能禁暴設刑網以勝殘知揖讓不可濟時
用干戈而靜亂拯一作格○王融永明十一年策秀才文
秉錄御天握樞臨極李善注易通卦驗曰
遂皇氏始出握機矩鄭平曰遂皇遂人也但持斗機運轉
之法春秋運斗樞曰北斗七星第一星天樞書洪範皇建
其有極左傳宣公十二年夫武禁暴戢兵保大定功安民
和衆豐財者也杜預注此武七德吳志陸抗傳哀矜庶獄

清澄刑網阮瑀紀征賦五材
陳而並序靜亂由乎干戈
伏惟皇帝陛下祥摘戴玉拓

地軸以登皇道契寢繩掩天紘而踐帝兮雲入戶纂靈瑞

於丹陵緣錯昇壇薦禎圖於翠渚垂衣裳以朝萬國崇玉

帛而禮百神昭儉防奢露臺惜中人之產宣風布政明堂

法上帝之宮致羣生於太和登品物於仁壽四神踐雪五

老飛星君固祥麟樂班文於仙卉女牀鳴鳳韻歸昌於帝

梧四隩同文五風異色鄧林萬里纔疏苑囿之基曾城九

重未出池隍之域合璧照臨之地候月歸琛大鑪覆載之

閒占風納賁

寢一作書緣錯一作蒼籙五風一作五方合璧一作六合○春秋命歷序神農戴玉地軸

見帝京篇淮南子覽冥訓往古之時蒼天補四極正淫水涸冀州平狡蟲死嶺民生背方州抱圓天和春陽夏殺秋

約冬枕方寢繩高誘注方架四寸也寢繩直身而臥曹植
與楊德祖書吾王於是設天網以該之頓入絃以掩之初
學記中宮却易坤靈圖曰其母萌之乎雲入戶蛟龍守門
鄭子注曰謂慶都天皇之女天帝以乎雲覆衛又帝王部
帝王世紀曰堯伊祁姓也母曰慶都孕十四月而生堯於
丹陵班彪王命論若乃靈瑞符應又可畧聞矣水經注洛
水篇舜又習堯禮沈書於日稷赤光起子龜負書至於稷
下榮光休至黃龍卷甲舒圖壇畔赤文綠錯以授舜舜以
禪禹晉書文苑傳序是以溫洛禎圖綠字符其丕業苑山
靈篆金簡成其帝載洛水有翠嬌泉詳表注易繫辭下黃
帝堯舜垂衣裳而天下治漢書武帝紀建封禮百神左
傳桓公二年是以清廟茅屋大路越席大羹不致粢食不
鑿昭其儉也魏志王朗傳昭儉於弋綈之服漢書哀帝紀
制節謹度以防奢淫為政所先百王不易之道也漢書文
帝紀嘗欲作露臺召匠計之直百金上曰百金中人十家
之產吾奉先帝宮室常恐羞之何以臺為注師古曰中謂
不富不貧今新豐縣南驪山之頂有露臺鄉極為高顯猶
有文帝所欲作臺之處後漢書陳寵傳威命四布宣風中
岳晉書天文志房四星為明堂天子布政之宮也南齊書
禮志許慎五經異義曰布政之宮故稱明堂袁孝尼云明

堂法天之宮本祭天帝而以文王配易乾卦保合太和董仲舒賢良策羣生和而萬物植又雲行雨施品物流形漢書王吉傳岐一世之民躋之仁壽之域隋蕭吉五行大義第二十二論諸官周書云武王營洛邑未成四海之神皆會曰周王神聖皆知我名若不知水旱敗之明年雨雪十餘旬深丈餘五大夫乘車從雨騎止王門太公曰車騎無述謂人之變乃使人持粥進之曰不知客尊車何從騎曰先進南海御次東海御次北海御次西海御次河伯次東伯次雨師武王問太公竝何名太公曰南海神名祝融東海神名句芒北海神名冥西海神名蓐收五老見晚泊河曲詩按請陪封禪表河浮五老海薦四神亦互詳云司馬相如封禪文般般之獸樂我君圍白質黑章其儀可嘉李善注謂騶虞也春秋考異郵曰虎班文者陰陽雜也梁元帝乎覽賦麒麟五色飛兔雙翼集我君圃之旁遊我帝梧之側李善注王粲公譙詩引字林曰卉草總名也山海經西山經女牀之山有鳥焉其狀如翟而五采文名曰鸞鳥張衡東京賦鳴女牀之鸞鳥舞丹穴之鳳凰薛綜注女牀山名在華陰西六百里廣雅釋鳥鸞鳥鳳皇屬也又鳳皇雄鳴曰即雌鳴曰足足昏鳴曰固常晨鳴曰發明書鳴曰保長舉鳴曰上翔集鳴曰歸昌帝梧見上梁明府啓

書禹貢四陲既宅傳四方之宅已可居顏注遁甲開山圖
曰女媧氏沒大庭氏之王有天下也三辰增輝五風異色
按馬驢澤史引尚書大傳曰五風並異今本不載鄧林見
上篇呂氏春秋十二紀重已篇昔先聖王之爲苑囿園池
也足以勸望勞形而已矣高誘注畜禽獸所大曰苑小曰
園淮南子墜形訓禹乃以息土填洪水以爲名山山掘崑崙
虛以下地中有增城九重其高萬一千里百一十四步二
尺六寸高誘注增重也古層字通作增會班固兩都賦京
師脩宮室浚城隍而起苑囿李善注說文曰城池無水曰
隍合璧大鑑並見自敍狀侯月見邊城落日詩爾雅釋言
琛寶也徐陵陳文帝哀冊侯雨占風荒中海外顏延年赭
白馬賦有埤險以稟朔或踰遠而納賁李善注蒼頡篇曰
賁財貨也說文曰賁會禮也庾信徵調 蠶茲蠻貊敢亂天
曲赤玉則南海輪賁白環則西山獻琛 蠶茲蠻貊敢亂天
常橫赤燁以疏疆背朱提而設險石林萬仞巖邑千重望
秦阜以相傾峭陵失四塞之阻對梁山而錯峙劒門成一
簣之峰自謂絕壤遐荒中外足以迷聲教憑深負固江山

可以逃靈誅不知玉弩垂芒涵水無九嬰之珍瑤階舞戚

洞庭有三苗之墟

書益稷蠡茲有苗天常見上篇蕭吉五行大義河圖云東方青帝靈威仰木帝

也南方赤帝赤熛怒火帝也中央黃帝含樞紐土帝也西方白帝白招拒金帝也北方黑帝叶光紀水帝也水經若

水又東北至犍爲朱提縣西爲瀘江水酈道元注朱提山名也應邵曰在縣西南縣以氏焉犍爲屬國也在郡南千

八百許里建安二十年立朱提郡郡治縣故城郡西南二

百里得所綰堂琅縣西北行上高山羊腸繩屈八十餘里

或攀木而升或繩索相牽而上緣涉者若將階天三蜀之人及南中諸郡以爲至險楚辭天問焉有石林何獸能言

左傳隱公元年制巖邑也水經注渭水篇渭水又逕清水城南又西與秦水合水出東北大隴山秦谷二源雙導歷

三泉合成一水而歷秦川峻陵見帝京篇元和郡縣志劔南道劔州劔門縣本漢葭萌縣地梁山在縣西南二十四

里卽劔門山也又普安縣大劔山亦曰梁山在縣北四十

九里葦孟諷諫詩彤弓斯征撫甯遐荒李善注荒荒服也書禹貢聲教訖於四海憑深負固見從軍中行路難陳琳檄吳將校部曲譬猶鼓卵始生翰毛而便陸梁放肆願行

吹主謂爲舟楫足以距皇威江湖可以逃靈誅不知天網設張以在綱目爨鑊之魚期於消爛也若使水而可恃則洞庭無三苗之墟子陽無荆門之敗朝鮮之壘不刊南越之旌不拔玉弩見上篇淮南子本經訓堯乃使羿誅鑿齒於疇華之野殺九嬰於凶水之上高誘註九嬰水火之怪爲人害北狄之地有凶水說文十一篇沴水不利也五行傳曰若其沴作注郎計切淮南子齊俗訓有苗不服於是舜修政偃兵執干戚而舞之書大禹謨帝乃誕敷文德舞干羽于兩階七旬有苗格孔安國傳脩闡文教舞文舞於賓主階間抑武事三苗之國左洞庭右彭蠡在荒服之例去京師二千臣等謬以散材忝專分閭白招承侯順秋帝五百里也

以揚旌絳節臨邊通夜郎而解辨自營開嚮穴旆轉叩川

峻岐折坂之危盡忘襟帶滇池漏江之固曾莫藩籬

散材見上

李少常伯啓文心雕龍檄移篇故分閭推轂奉辭伐罪非惟致果爲毅亦且厲辭爲武鄭康成周禮小宗伯注白曰白招拒少昊食焉隋書禮儀志秋迎白招拒者招集拒大也言秋時集成萬物其功大也將節見從軍中行路難邱

運與陳伯之書夜郎滇池解辨請職李善注漢書日夜郎
滇池皆椎結僑昆明編髮漢拜唐蒙郎中遂見夜郎王多
同續漢書郡國志益州越傷郡尹都劉昭注河有嶓嶷山
又有溫穴冬夏常熱元和郡縣志劔南道嶓州尹都縣嶓
山在縣西南九里嶓水出嶓山下州郡得名因此水也地
在今四川越嶲廳水經注若水篇尹都縣漢武帝開尹都
置之縣陷為池今因名為尹池南人謂之尹河河中有蟻
齕山左思蜀都賦羲和假道於峻岐陽鳥迴翼乎高標又
出彭門之闕馳九折之坂杜篤論都賦關梁之險多所襟
帶水經注葉榆河篇葉榆水與濮水同注滇池澤自澤又
東北逕滇池縣南又東逕同並縣南又東逕漏江縣伏流
上下復出蛟口謂之漏江諸葛亮之平南中也戰於是水
之南賈誼過秦論上楚師深惟逆賊設蒙儉等未革狼心
入戰於鴻門曾無藩籬之艱

仍懷豕突陸梁方命旅拒偷生城接祠雞竟無希於改旦

山多神鹿終未息於擇音

左傳宣公十二年諺曰狼子野心庾信周兗州刺史鄭常神道

碑蜂目已奔狼心遂革後漢書劉陶傳是時天下日危寇賊方熾陶憂致崩亂復上疏曰今果已攻河東恐遂轉更

不突上京史記秦始皇本紀三十三年發諸嘗逋亡人贅
壻賈人畧取陸梁地爲桂林象郡南海以適遣戍司馬貞
索隱南方之人其性陸梁故曰陸梁張守節正義嶺南之
人多處山陸其性強梁故曰陸梁揚雄甘泉賦蚺尤之倫
帶干將而秉玉戚兮飛蒙茸而走陸梁注晉灼曰飛者蒙
茸而亂走者陸梁而跳謂猛士之輩案莊子馬蹄篇鼯草
飲水翹足而陸此馬之真性也陸德明釋文司馬云陸跳
也字書作驪驪馬健也又逍遙遊篇子獨不見狸狌乎卑
身而伏以候敖者東西跳梁不避高下又秋水篇子獨不
聞夫埳井之鼯乎謂東海之鼯曰吾樂與吾跳梁乎井幹
之上漢書蕭望之傳今羌虜一隅小夷跳梁於山谷閒然
則陸梁猶跳梁也張謂人處山陸望文生訓非也書堯典
方命圯族陸德明釋文方如字馬云方啓也徐云鄭王音
放後漢書馬援傳拜援隴西太守賓客故人日滿其門諸
曹時白外事援輒曰此丞掾之任何足相煩若大姓侵小
民黠羌欲旅距此乃太守事耳章懷太子注旅距不從之
貌漢書郊祀志或言益州有金馬碧雞之神可醮祭而致
於是遣諫大夫王褒使持節而求之注如淳曰金形似馬
碧形似雞太平寰宇記劔南西道姚州姚城縣九州記云
蜻蛉縣有禹穴穴內有金馬碧雞其光倏忽人皆見之漢

王褒入蜀祀之趙至與嵇茂齊書鳴雞戒旦華陽國志南
中志雲南郡有熊倉山上有神鹿一身兩頭食毒草左傳
文公十七年鹿死不擇音杜預注音所荏蔭之處古字聲
同皆相假借孔穎達疏服虔云鹿得美草呦呦相呼至於
困迫將死不暇復擇善音急之至也劉炫從服說顧炎武
左傳杜解補正曰言其鳴急切莊子獸死不擇音郭象注
譬之野獸蹴之窮地意急情盡臣以大帝宣威有征無戰
則和聲不至是也當從服虔說

明王杖順先德後刑宏聖澤於中孚緩天誅於大造庶南

薰解慍仰雲闕以翔魂東徙變音扣轅門而頤頤而祝禽

疎網徒開三面之恩毒虺挺妖逾肆九頭之暴有征無戰見上篇逸

周書命訓解天生民而成大命命司德正之以禍福立明

王以順之劉琨勸進表仗大順以肅宇內管子勢第四十

二乘時養人先德後刑房元齡注賞以春夏刑以秋冬唐

太宗克高麗白巖城詔上天之道先德而後刑王者之師

有征而無戰易中孚卦象曰澤上有風中孚君子以議獄

綏之王弼注信發於中雖過可亮南薰見上吏部裴侍郎

書續漢書祭祀志劉昭注封禪儀曰車駕十九日之山虞
國家居亭百官布野比日山上雲氣成宮闕百官並見之
說苑說叢篇梟逢鳩鳩曰子將安之梟曰我將東徙鳩曰
何故梟曰鄉人皆惡我鳴以故東徙鳩曰子能更鳴可矣
不能更鳴東徙猶惡子之聲史記項羽本紀項羽召見諸
侯將入轅門無不膝行而前莫敢仰視集解張晏曰軍行
以車爲陣轅相向爲門故曰轅門後漢書劉平傳論漢起
驅輕黠烏合之眾不當天下萬分之一而旌旄之所搗漢及
書文之所通被莫不折戈頓顙爭受職命賀遂亮平百濟
國碑銘是知凶水挺妖九嬰遂戮洞庭構逆三苗已誅餘
見上

篇乃鳩集餘眾蟻結凶徒僂耳椎髻之渠千里霧合鑿
齒雕題之擘一呼雲屯凌石齒以開營拒巖椒而峻壘崇
巒切漢若登藏寶之山絕壑憑霄似瞰封泥之谷以前月
十七日連營布陣據險揚兵東西三十餘里馬步二十餘
萬聚蚊蚋而成響聲若雷霆縱蛇豕以爲羣氣稽宇宙

作昏。沈約宋書自序姚紹爭據潼關林子果戰大破之
 尋紹忽死可謂天誅於是讚統後事鳩集餘衆復襲林子
 任昉奏彈曹景宗受命致討不時言邁故使蜩結蟻聚水
 草有依南史陳武帝本紀白羽纔揚凶徒粉潰後漢書西
 南夷傳哀牢人皆穿鼻儋耳新書地理志諸蠻州九十二
 皆無城邑椎髻皮服惟來集於都督府則衣冠如華人焉
 書允征殲厥渠魁傳渠大魁帥也淮南子墜形訓自西南
 至東南南方鑿齒民高誘注鑿齒吐一齒出口下長三尺禮
 王制南方曰蠻雕題交趾有不火食者矣鄭康成注雕文
 謂刻其肌以丹青涅之孔穎達疏題謂額也陸機從軍行
 胡馬如雲屯廣雅釋詁屯聚也張衡西京賦浸石菌於重
 涯濯靈芝於朱柯注善曰菌芝屬也初學記地理部釋名
 云山頂曰冢亦曰巔亦曰椒晉書山濤王戎郭舒樂廣傳
 贊陵雲切漢山叟知材廣雅釋詁切近也藏寶用趙簡子
 事詳贈高四詩小爾雅廣言憑依也封泥見北眺春陵詩
 魏志文帝紀樹柵連營七百餘里唐太宗破高麗賜酺詔
 高麗僞主有徒十五萬連旗三十里烟火稽天若黃虵之
 吐霧鼓騎橫野邁赤蟻之爲羣漢書中山靖王傳夫衆煦
 漂山聚蟲成雷朋黨執虎十夫橈椎注師古曰蟲古蚊字
 雷古雷字言衆蚊飛聲有若雷也王勃拜南郊頌序長蚊

蚘之雷霆附豺狼之羽翼左傳定公四年申包胥如秦乞
師曰吳爲封豕長蛇以薦食上國杜預注言吳貪害如蛇
豕臣遣中郎將令狐智通等擁拔山超海之雄當其步陣
遣銀州刺史李大志等驅躍景騰雲之騎乘其馬軍遣檣
州都督府長史行軍司馬梁待辟等領勁卒一千絕其飛
走之路遣臨源府果毅馬仁靜等勒精兵九百斷其潛伏
之軍臣率行軍長史韓慶餘等負霜戈而直進指雲陣以
長驅庶令斬馘七擒將士挾雷公之怒伏屍百里蠻夷識
天子之威乘一作承辟一作璧○史記項羽紀力拔山兮
氣蓋世孟子挾太山以超北海墨子兼愛篇夫
挈太山以超江河自古之及今生民而來未嘗有也崔豹
古今注鳥獸第四秦始皇有七名馬追風白兔躡景追電
銅爵晨鳧崔駰七依服飛黃之中乘騁華馱之驂輪蹕虛
騰雲乘風渡津宋書柳元景傳奮武將軍魯方平建武將

軍薛安都諸軍並成列安都並領馬軍方平悉領步卒左
右犄角之宋書索虜傳提吳楚之勁卒總八州之銳士史
記項羽紀漢王部五諸侯兵凡五十六萬人東伐楚項王
聞之卽令諸將擊齊而自以精兵三萬人南從魯出胡陵
北史僭僞傳始光二年屈丐死昌僭立太武乘虛西伐昌
引眾出城步騎三萬司徒長孫翰等咸言昌步陣難陷宜
避其鋒且待步兵一時奮擊魏書慕容容白曜傳霜戈所向
無不摧靡旬日之內尅拔四城江淹慰勞雍州詔忠烈之
士霜戈電發南齊書孔稚圭傳松江入漢雲陣萬里爾雅
釋詁馘獲也杜預注今以獲賊耳爲馘邢昺疏大雅皇矣
云攸馘安安毛傳云不服者殺而馘其左耳曰馘魯頌泮
水云在泮獻馘鄭箋云馘所格者之左耳皆謂臨陣格殺
之而取其耳也七禽見上篇楚辭遠遊左雨師使徑待兮
右雷公以爲衛王充論衡雷虛篇圖畫之工圖雷之狀纍
纍如連鼓之形又圖一人若力士之容謂之雷公使之左
手引連鼓右手推椎若擊之狀魏策秦王曰天子之怒伏
屍百萬流血千里於是三畧訓兵五申誓眾先登陷敵無遺大樹

之功後拒亂行必致曲梁之罰楚人三戶蜀郡五丁氣擁

乎雲精貫白日暗鳴則乾坤搖蕩呼吸則海岳沸騰列旗

影以雲舒似長虹之東指橫劒鋒而電轉疑大火之西流

海岳一作林壑口李康運命論張良受黃石之符誦三畧
之說李善注黃石公記序曰黃石者神人也上有畧中畧
下畧隋書經籍志黃石公三畧三卷下邳神人撰成氏注
按北堂書抄武功部引孫子兵法論云非文無以平治非
武無以治亂善用兵者有三畧焉上畧伐智中畧伐義下
畧伐勢今本孫子無之是三畧不始於黃石公矣吳越春
秋闔閭內傳吳王召孫子問以兵法孫子曰得大王寵姬
二人以爲軍隊長各將一隊令三百人皆被甲兜鍪操劒
盾而立乃令曰一鼓皆振二鼓操進三鼓爲戰形於是宮
女皆掩口而笑孫子乃親自操枹擊鼓三令五申其笑如
故孫子大怒乃令斬隊長二人大樹見蕩子從軍賦左傳
襄公三年晉侯之弟楊干亂行于曲梁魏絳戮其僕杜預
注行陣次孔穎達疏以車亂行是御者之罪故戮其僕也
史記項羽紀范增往說項梁曰夫秦滅六國楚最無罪自
懷王入秦不反楚人憐之至今故楚南公曰楚雖三戶亡
秦必楚也集解瓚曰楚人怨秦雖三戶猶足以亡秦也索

隱臣瓚與蘇林解同韋昭以爲三戶楚三大姓昭屈景也
二說皆非按左氏以界楚師於三戶杜預注云今丹水縣
北三戶亭則是地名不疑正義按服虔云三戶漳水津也
孟康云津峽名也在鄴西三十里括地志云濁漳水又東
經葛公亭北經三戶峽爲三戶津在相州潞陽縣界後項
羽果渡三戶津破章邯軍降章邯秦遂亡是南公之善識
案顏師古漢書注引蘇林曰但令有三戶在其怨深足以
亡秦意更顯著作地名解未免附會五丁見疇昔篇潘昂
冊魏公九錫文君執大節精貫白日淮南子兵畧訓惟無
一動動則凌天振地抗泰山蕩四海鬼神移徙鳥獸驚駭
崔鴻十六國春秋前秦錄朱彤曰嘯咤則五嶽摧覆呼吸
則江海絕流吳子應變第五凡戰之法晝以旌旗旛麾爲
節夜以金鼓笳笛爲節楚辭九歌少司命乘回風兮載雲
旗詩鄘風蠨蛸在東莫之敢指傳蛸蛸虹也王延壽魯靈
光殿賦飛梁偃蹇以虹指張協七命光如散電質如耀雪
李善注莊子曰此劍一用如雷之震電之霍也大火見螢
賦刃接兵交洞胸達腋自辰踰午魚爛土崩沸殘息於層

峰更切守陴之哭積員顧於重阜殆成京觀之封

六韜龍韜兵不

接刃而敵降服左傳成公九年兵交使在其閒司馬相如
子虛賦洞胸達掖絕乎心繫沈約宋書自序自辰及未斬
戟千數陳琳檄吳將校部曲十萬之師土崩魚爛梁書袁
昂傳草土殘息復罹今酷殘息猶殘喘也左傳宣公十二
年春楚子圍鄭旬有七日鄭人卜行成不吉卜臨於大宮
且巷出車吉國人臨守陴者皆哭杜預注陴城上俾倪
孔穎達疏陴城上小牆俾倪者看視之名俾倪短牆
短垣女牆皆一物也說文云堞城上女垣也廣雅云陴俾
倪女牆也釋名云城上垣曰陴於其孔中俾倪非常亦言
陴益也助城之高也或曰女牆言其卑小比之於城如女
子之於丈夫也秦策頭顱僵仆相望於境廣雅釋親頊顧
謂之髑髏趙至與嵇茂齊書徘徊九阜之內慷慨重阜之
巔左傳宣公十二年楚重至於郟遂次於銍雍潘黨曰君
盍築武軍而收晉尸以爲京觀楚子曰古者明王伐不敬
取其鯨鯢而封之以爲大戮於是乎有京觀以懲淫慝今
罪無所而民皆盡忠以死君命又何以爲京觀乎注積尸
封土其上謂之惟賊帥夸干未悟傾巢之兆敢懷拒轍之
京觀觀古亂反

心獨率馬軍憑川轉鬪驚塵亂起六合爲之寢光殺氣相

稽四溟由是變色

憑一作平。○沈約齊安陸昭王碑文傾巢舉落望德如歸拒轍見上篇梁書武

帝紀嚴城勁卒憑川為固司馬遷報任少卿書轉關千里

矢盡道窮呂氏春秋八覽審分篇神通乎六合德耀乎海

外高誘注六合四方上下也趙至與嵇茂齊書或乃迴颺

狂厲白日寢光禮月令仲秋之月殺氣浸盛王凝之風賦

越四溟而蓬勃經五嶺而蕭條案陸德明莊子釋文北冥

本亦作溟北海也嵇康云取其溟漠無極也四溟猶言四

海也副總管李大志忠惟徇國義則亡軀臨危而貞節逾明

制敵而神機獨遠丹誠自守雖九死其如歸白刃交前豈

三軍之可奪投袂則妖徒霧廓擎旗而凶黨冰摧

○司馬遷報任少卿書常思奮不顧身以徇國家之急晉

書忠義傳贊重義輕生亡軀徇節潘岳馬汧督誅臨危奮

節保穀全城張衡思乎賦慕古人之貞節陰符經爰有奇

器是生萬象八卦甲子神機鬼藏晉書劉喬傳劉宏與喬

箋曰披露丹誠不敢不盡九死見上韋明府啓曾子制言

篇君子視死如歸莊子外篇秋水白刃交於前視死若生

駱瑒海集

卷之十

三十九

者烈士之勇也左傳宣公十四年投袂而起宋書武帝紀
舟旗遄邁而元凶傳首回戈疊揮則荆漢霧廓史記季布
藥布列傳身屢典軍拳旗者數矣可謂壯士南史齊高帝
紀麾鉞一臨凶黨兵泮崔鴻十六國春秋前秦錄所在必
克賊族於是乘利追奔因機深入困獸猶鬪如戰廩君之
冰摧魂窮鳥尙飛似驚杜宇之魄斬甲卒七千餘級獲裝馬五
千餘匹僵屍蔽野臨赤坂而非遙流血灑途視丹徼以何

遠史記淮陰侯傳乘利席卷威震天下漢書文帝紀今邊
備守不發兵深入恐煩百姓左傳宣公十二年因獸猶
鬪况國相乎後漢書南蠻傳巴郡南郡蠻本有五姓巴氏
樊氏暉氏氏相氏鄭氏皆出於武落鍾離山其山有赤黑二
穴巴氏之子生於赤穴四姓之子皆生黑穴未有君長俱
事鬼神乃共擲劍於石穴約能中者奉曰為君巴氏子務
相乃獨中之眾皆歎又令各乘土船約能浮者當曰為君
餘姓悉沈惟務相獨浮因共立之是為廩君乃乘土船從
夷水至鹽陽鹽水有神女謂廩君曰此地廣大魚鹽所出
願畱共居廩君不許鹽神暮輒來取宿旦即化為蟲與諸

羣飛掩蔽日光天地晦冥積十餘日廩君思其便因射
殺之天乃開明廩君於是君乎夷城四姓皆臣之廩君死
魂魄世為白虎巴氏曰虎飲人血遂曰人祠焉王融勸高
帝北伐啓雖窮鳥必啄固等命於良鵠困獸斯驚終並懸
於廚鹿左思蜀都賦碧出萇弘之血鳥生杜宇之魄劉逵
注蜀記曰昔有人姓杜名宇王蜀號曰望帝宇死俗說云
化為子規子規鳥名也蜀人聞子規鳴皆曰望帝也史記
淮南王安傳僵尸千里流血頃畝隋書楊素傳兵刃斃交
魚潰鳥散僵屍蔽野積甲若山漢書西域傳又歷大頭痛
小頭痛之山赤土身熱之坂令人身熱無色頭痛嘔吐驢
畜盡然鮑照苦熱行赤坂橫西阻火山赫南威史記
范睢蔡澤列傳流血成川沸聲若雷丹徵見上篇首領

和舍等並計窮力屈面縛軍門寬其萬死之誅宏以再生

之路惟蒙儉脫身挺險委命窮山顧巢穴而靡依延晷漏

其何幾

委一作負延一作逃○左傳僖公二年許男面縛

持其祭器

造於軍門肉袒面縛司馬遷報任少卿書夫人

臣出萬死

不顧一生之計赴公家之難斯以奇矣挺險見

上篇賈誼過秦論百越之君俛首係頸委命下吏漢書嚴
安傳窮山遘谷豪士竝起隋書韓擒傳據其府庫傾其巢
穴左思魏都賦晷漏肅唱明宵有程劉逵注晷漏漏刻也
善曰說文曰晷景故曰晷漏宋書臧質傳凶命假存懸在
晷况妖徒革面傲外非復他人部落離心舟中皆為敵國
瞻言梟首指日為期凡在歸降隨事招撫與之更始復其
故業首邱懷戀疑臨舊國之墟安堵識家似入新豐之邑
識家一作知歸○易革上六君子豹變小人革面後漢書
明帝紀永平十二年益州徼外夷哀牢王相率內屬於是
置永昌郡罷益州西部都尉邱遲與陳伯之書部落攜離
酋豪猜貳史記吳起傳武侯浮西河而下中流顧而謂吳
起曰美哉乎山河之固此魏國之寶也起對曰在德不在
險若君不修德舟中之人盡為敵國也梟首見上篇周書
韋孝寬傳陸機招撫並即歸附莊子雜篇盜跖與天下更
始罷兵休卒收養昆弟共祭先祖禮檀弓上古之人有言
曰狐死正邱首仁也鄭康成注正邱首正首邱也孔穎達
疏狐死正邱首而嚮邱所以正首而嚮邱者邱是狐窟穴

根本之處雖狼狽而死意猶嚮此邱是有仁恩之心也漢書高祖紀吏民皆按堵而故注應邵曰按按次第堵牆堵也師古曰言不遷動也蜀志諸葛亮傳據武功五丈原與司馬宣王對於渭南耕者雜於渭濱居民之閒而百姓安堵軍無私焉西京雜記高祖少時常祭枌榆之社乃移新豐亦還立焉高帝既作新豐并移舊社衙巷棟宇物色惟舊士女老幼相攜路首各知其室然後班師逐水振旅禺放大羊雞鴨於通塗亦競識其家

山建鴻業於武功暢孚猷於文教庶荒陬襲中原之禮邊

疆息外戶之虞華封祝堯肇皇基於千載夷歌頌漢美皇

澤於三章豈與夫天帝前星廣賜秦公之冊坤元益地遙

開王母之圖蓋亦有云曾何足紀

業一作勲豈一作宜星一作皇○書大禹謨班

師振旅水經注溫水篇鬱水卽夜郎豚水也漢武帝時有竹王興於豚水是也豚水東北流逕談藁縣東逕牂牁郡且蘭縣謂之牂牁水水廣數里縣臨江上故且蘭侯國也一名頭蘭牂牁郡治也元鼎五年武帝伐南越發夜郎精

兵下牂牁江同會番禺是也案豚水後漢書作逕水卽牂
牁江出貴州都勻府獨山州獨山司逕三角屯又逕都江
城至古州城又逕下江城至永從縣丙妹入粵西界流粵
東入海太平寰宇記劔南西道姚州姚城縣禺同山有金
馬碧雞之祀班固兩都賦序潤色鴻業乎猷見表左思吳
都賦其荒陬譎詭劉逵注陬四隅謂邊遠也禮禮運盜竊
亂賊而不作故外戶而不閉孔穎達疏屏從外闔也莊子
外篇天地堯觀乎華華封人曰嘻聖人請祝聖人使聖人
壽使聖人富使聖人多男子堯曰辭封人曰何也堯曰多
男子則多懼多富則多事壽則多辱故辭封人曰天生萬
民必授之職多男子而授之職則何懼之有富而使人分
之則何事之有夫聖人鵠居而穀食爲行而無彰天下有
道則與物皆昌天下無道則修德就閒千歲厭世去而上
僊乘彼白雲至於帝鄉三患莫至身常無殃則何辱之有
後漢書西南夷傳永平中益州刺史梁國朱輔好立功名
慷慨有大畧在州數歲宣示漢德威懷遠夷自汶山呂西
前世所不至正朔所未加白狼槃木唐菽等百餘國戶百
三十餘萬口六百萬以上舉種奉貢稱爲臣僕輔上疏曰
臣聞詩云彼徂者岐有夷之行傳曰岐道雖僻而人不遠
詩人誦詠曰爲符驗今白狼唐菽等慕化歸義作詩三章

路經邛來大山零高坂峭危峻險百倍岐道纏負老幼若
歸慈母遠夷之語辭意難正草木異種鳥獸殊類有犍爲
群塚田恭與之習狎頗曉其言臣輒令訊其風俗譯其辭
語今遣從事史李陵與恭護送詣闕并上其樂詩昔在聖
帝舞四夷之樂今之所上庶備其一帝嘉之事下史官錄
其歌焉漢書天文志心爲明堂大星天王前後星子屬案
天帝前星謂爲天子也張衡西京賦昔者大帝說秦繆
公而觀之饗以鈞天廣樂帝有醉焉乃爲金策錫用此土
而翦諸鵠首薛綜注大帝天也易坤卦至哉坤元梁元帝
金樓子興王篇堯乃老使舜攝行天子政西王母使使乘
白鹿駕羽車建紫旗來獻白駒斯並乎謨廣運廟略遐覃一
環之玦益地之圖乘黃之駒斯並乎謨廣運廟略遐覃一
戎而荒景肅清再鼓而邊隅底定豈臣等提戈擐甲克全
百勝之功杖節揚麾能通九變之策詣藁街而獻捷大帝
成規聞秋杜之勞還小臣何力不勝慶快之至謹遣行軍
司馬朝散大夫守雋州都督府長史上柱國梁待辟奉露

布以聞軍資器械別簿條上

張衡東京賦平謀設而陰行合二九而成謠晉書羊祜傳

外揚王化內經廟畧吳志周鮪傳遠在邊隅江沱分絕吳語夜中乃令服兵擐甲韋昭注擐貫也甲鎧也史記魏世家外黃徐子謂太子曰臣有百戰百勝之術孫子九變第八凡用兵之法將受命於君合軍聚眾圯地無舍衢地合交絕地無留圯地則謀死地則戰途有所不由軍有所不擊城有所不攻地有所不爭君命有所不受故將通於九變之利者知用兵矣魏武帝注變其正得其所用有九漢書陳湯傳湯與延壽出西域上疏曰郅支單于慘毒行於民大惡通於天臣延壽臣湯將義兵行天誅斬郅支首及名王呂下宜縣頭藁街蠻夷邸間曰萬里明犯疆漢者雖遠必誅注晉灼曰黃圖在長安城門內師古曰藁街街名蠻夷邸在此街也邸若今鴻臚客館也崔浩曰為藁當為藁藁街即銅駝街也此說失之銅駝街在洛陽西京無也詩小雅序杜勞還役也左傳成公二年晉師歸卻伯見公曰子之力也夫對曰君之訓也二三子之力也臣何力之有焉漢書循吏傳龔遂為勃海太守數年上遣使者徵遂議曹王生從至京師會遂引入宮王生日天子即問君何以治勃海君不可有所陳對宜曰皆聖主之德非小

臣之力也

為李總管祭趙郎將文

姚州道大總管李義祭趙郎將之靈

張東之請罷姚州屯表姚州本龍朔中武

陵縣主簿石子仁奏置之後長史李孝讓辛文協並為羣蠻所殺前朝遣郎將趙武貴討擊貴及蜀兵應時破敗唯類無遺又使將軍李義總等郎將劉惠基在陣戰死其州遂廢新書兵志唐初兵之戍邊者大曰軍小曰守捉曰城曰鎮而總之曰道其軍城鎮守促皆有使而道有大將一人曰大總管已而更曰大都督至太宗時行軍征討曰大總管在其本道曰大都督舊書職官志中郎將領本府之屬以宿衛左右郎將貳之案姚州露布不詳總管何人新舊書列傳載張東之表皆作李義總而此文正作李義未詳孰是東之表稱郎將趙武貴討擊破敗與祭文所述相符蓋從李總管

惟靈降精辰象委質昌期棄筆文場早徇

封侯之志影纓武帳坐昇戎秩之榮

王儉褚淵碑文辰精威運昂靈發祥李善

注爾雅曰大辰房心尾也王逸楚辭注曰辰星房星也沈
 約齊故安陸昭王碑文含辰象之秀德體河嶽之上靈李
 善注周易曰在天成象王弼曰象謂日月星辰左傳僖公
 二十三年策名委質貳乃辟也杜預注名書於所臣之策
 屈膝而君事之則不可以貳辟罪也孔穎達疏策簡也質
 形體也古之仕者於所臣之人書己名於策以明繫屬之
 也拜則屈膝而委身體於地以明敬奉之也質如字俗以
 曲禮童子委摯而退孟子出疆必載質讀作委贊非曹植
 文王赤崔贊嗟爾後王昌期而至棄筆封侯見宿溫城望
 軍營詩劉勰文心雕龍總術篇文場筆苑有術有門鮑照
 詠史詩仕子彰華纓遊客疎輕轡武帳見疇昔篇
 沈約齊故安陸昭王碑文還居近侍兼饗戎秩屬滇浦

挺妖昆明習戰應星文而動將奉天罰以揚威不能宏妙
 算於五戎叶神謀於九變致令王師失律凶狡憑陵傷穴
 南臨同五溪之深入叩關北阻類雙嶠之不歸亭候多虞
 故有負於明代春秋責帥豈無愧於幽途

滇浦見從軍中
 行路難昆明見

帝京篇隋書天文志耶將一星在耶位主閱具所以爲武
備也書允征今予惟恭行天之罰禮月令季秋之月天子
乃教於田獵以習五戎班馬政鄭平注五戎謂五兵弓矢
及矛戈戟也孔穎達疏按周禮司兵掌五兵鄭司農注五
兵者戈及戟會矛夷矛步卒之五兵則無夷矛而有弓矢
如鄭所云則此注據步卒五兵弓矢一也及長丈二二也
矛長二丈三也戈長六尺六寸四也戟長一丈六尺五也
九變見後露布失律見前露布魏志高柔傳柔上疏曰今
妖言者必戮告之者輒賞旣使過誤無反善之路又將開
凶狡之羣相誣罔之漸左傳襄公七年馮陵我城郭杜預
注馮迫也嚮穴見露布後漢書馬援傳建武二十四年武
威將軍劉尚擊武陵五溪蠻夷深入軍沒遂遣援率中郎
將馬武耿舒劉匡孫永等征五溪明年春三月進營壺頭
賊乘高守隘水疾船不得上會暑甚士卒多疫死援亦中
病遂困乃穿岸爲室以避炎氣賊每升險鼓譟援輒曳足
以觀之左右哀其壯意莫不爲之流涕水經注沅水篇辰
水又右會沅水名之爲辰溪口武陵有五溪謂雄溪橘溪
無溪酉溪辰溪其一焉夾溪悉是蠻左所居故謂此蠻五
溪蠻也水又逕沅陵縣西有武溪源出武山與酉陽分山
水源石上有盤瓠跡猶存矣元和郡縣志江南道辰州蠻

戎所居也其人皆盤瓠子孫或曰巴子兄弟入爲五谿之
長今西谿在州西次南武谿次南辰谿次東南熊谿次東
南朗谿其熊朗二谿與酈道元水經注雖不同推其次第
相當則五谿蓋在今辰州界也案武溪卽無溪亦作澠
關見從軍中行路難左傳僖公三十二年穆公召孟明西
乞白乙使出師於東門之外蹇叔哭之曰孟子吾見師之
出而不見其入也公使謂之曰爾何知中壽爾墓之木拱
矣蹇叔之子與師哭而送之曰晉人禦師必於穀穀有二
陵焉其南陵夏后臯之墓也其北陵文王之所辟風雨也
必死是閒余收爾骨焉三十三年晉人及羌戎敗秦師於
穀杜預注穀在宏農澠池縣西此道在二穀之閒南谷中
谷深委曲兩山相欹故可以辟風雨古道由此魏武帝西
討巴漢惡其險而更開北山高道謝朓和王著作入公山
詩二別阻漢城雙嶠望河澳張衡東京賦西登少華亭候
脩勅後漢書光武紀築亭候脩燧燧章懷太子注亭候伺
候望敵之所前漢書曰秦法十里一亭亭有長漢因之不
改一作堠左傳襄公三十年以晉國之多虞蜀志諸葛亮
傳建興六年上疏曰臣以弱才叨竊非據親秉旄鉞以厲
三軍至有街亭違命之闕箕谷不戒之失臣明不知人恤
事多闇春秋責帥臣職是當請自貶三等以督厥咎陸機

泰山吟幽塗延萬
鬼神房集百靈

悲夫任賢與能明君之事也陳力就列

忠臣之節也耶將雖見危授命固誠節之有餘臨難權機

何智謀之不足嗚呼哀哉

書大禹謨任賢勿貳去邪勿疑

解言當陳其才力度已所任以就其位李元操為陳宣帝

祭比干文觀竅剖心固守誠節忠踰白日義概秋天禮曲

禮上臨難母苟免江淹報袁叔明義猥以散材謬專分閭

書容貌不能動人智謀不足自遠義猥以散材謬專分閭

途經夷落路踐戎場停疲驂於九原悲來有地痛遺骸於

四野泣下無從暫輟征旅之勤爰從掩骼之義庶幽靈有

託梧邱息入夢之魂壯士不還薤露起送終之曲

露一作歌。散

材見浮槎詩分閭見後露布夷落見從軍中行路難謝朓

冬緒羈懷示蕭諮議虞田曹劉江二常侍詩疲驂良見返

思波不可越九原見挽歌藝文類聚樂部鮑照結客少年

場行升高臨四野表裏望皇州案野文選作關泣下無從

見與博昌父老書月令季秋之月掩骼埋胔注骨枯曰骼
肉腐曰胔魏武帝祠太尉橋公墓文幽靈潛翳懸哉緬矣
晏子春秋內篇雜下景公敗於梧邱夜猶早公姑坐睡而
夢有五丈夫北面韋廬稱無罪焉公覺召晏子而告其所
夢晏子對曰昔者先君靈公出畋有五丈夫居而駭獸故
殺之斷其頭而葬之命曰五丈夫之邱此其地邪公令人
掘而求之則五頭同穴而存焉公曰嘻令吏葬之國人不
知其夢也曰君憫白骨而況於生者乎江淹詣建平王上
書仰惟大王少垂明白則梧邱之魂不愧於沈首鴻亭之
鬼無恨於灰骨荆軻歌風蕭蕭兮易水寒壯士一去兮不
復還薤露 嗚呼哀哉九真邊徼萬里長安城危疏勒山峻
見挽歌

臯蘭因原爲隴卽壤成棺夕陰低而平蕪晦秋風急而荒
戍寒嗚呼哀哉異域幽埏但有新栽松柏他鄉古木非復
舊邑粉榆感平生其若斯聊申絮酒儻聰明之不昧或薦

簞醪尙饗

低一作曠或一作法。漢書地理志九真郡武
帝元鼎六年開元和邵縣志嶺南道愛州秦象

鄧地也漢平南越置九真郡案九真今入安南國滇與安
南接壤故曰九真邊徼也舊書地理志劔南道姚州至京
師四千九百里程云萬里者極言其遠不必泥實也水經注
河水篇北河自疏勒逕流南河之北暨于溫宿之南左合
枝水枝水上承北河于疏勒之東西北流逕疏勒城南又
東北與疏勒北山水合東南流逕疏勒城下漢永平十八
年耿恭以戊己校尉爲匈奴左鹿蠡王所逼恭以此城側
澗傍水自金蒲遷居此城匈奴又來攻之壅絕澗水恭于
城中穿井深一十五丈不得水吏士渴乏笮馬糞汁飲之
恭整衣服向井再拜水泉奔出乃揚水以示之虜以爲神
遂卽引去後車師叛與匈奴攻恭食盡窮困乃煮鎧弩食
其筋革恭與士卒同生死咸無二心圍恭不能下關寵上
書求救建初元年章帝納司徒鮑昱之言遣兵救之至柳
中以校尉關寵分兵入高昌壁攻交河城車師降遣恭軍
吏范羌將兵二千人迎恭城中皆稱萬歲開門相持涕泣
尙有二十六人衣履穿決形容枯槁相依而還案漢書西
域傳疏勒國王治疏勒城去長安九千三百五十里後漢
書耿恭傳章懷太子注金蒲城車師後王城廷也今延州
蒲昌縣城是也柳中卽今西州縣舊書地理志西州在京
師西北五千五百一十六里是金蒲去關寵所屯之柳中

不遠恭豈應遷於三四千里之外審諸情勢均不合據隋書西域傳疏勒國都白山南百餘里都城方五里國內有大城十二小城數十疑恭所據者疏勒別城之一非其都城也臯蘭見軍中行路難禮曲禮上適墓不登壘注壘冢也墓塋域方言冢或謂之壠郭璞注有界埒似耕壠因名之謝惠連古冢文窮泉爲壘聚壤成基鮑照冬日詩曠霧蔽窮天夕陰晦寒地江淹去故鄉賦窮陰匝海平蕪帶天朱超泊巴陵詩古邨空列樹荒戍久無樓後漢書班超傳立功異域以取封侯王筠昭明太子哀冊文幽挺夙啓平宮獻成松柏見挽歌西京雜記高祖少時常祭枌榆之社及移新豐亦還立焉高帝既作新豐并移舊社衢巷棟宇物色惟舊士女老幼相攜路首各知其室放犬羊雞鴨於通塗亦競識其家宋敏求長安志縣五臨潼縣枌榆社漢書曰高祖禱豐枌榆社張晏曰枌白榆社在新豐東北十五里梁元帝辛覽賦彼桑梓之必敬况枌榆之舊鄉謝朓同謝諮議銅雀臺詩總帷飄井幹樽酒若平生後漢書徐穉傳章懷太子注謝承書曰穉諸公所辟雖不就死喪負笈赴弔常於家豫炙雞一隻以一兩綿絮漬酒中暴乾以裹雞徑到所起冢燧外以水漬綿使有酒氣斗米飯白茅爲藉以釋置前醺酒畢留謁則去不見喪主左傳莊公

三十三年神聰明正直而壹者也黃石公三畧上畧昔者
良將之用兵有饋簞醪味使投諸河與士卒同流而飲夫
一簞之醪不能味一河之水而三軍之士思爲致死者以
滋味之及已也儀禮少牢饋食禮來日丁亥用薦歲事於
皇祖伯某以某妃配某氏尙
饗鄭康成注尙庶幾饗歆也

釣磯應詰文

余以三伏晨行至七里灘此地卽新安江口也有巖子陵

釣磯焉澄潭至清洞徹見底往往有羣魚戲厯厯如水上

行耳

一作厯如行空中。史記秦本紀德公二年初伏裴駢集解孟康曰六月伏日初也周時無至此乃有之

張守節正義六月三伏之節起秦德公爲之故云初伏伏
者隱伏避暑也厯忌釋云伏者何以金氣伏藏之日也
四時代謝皆以相生立春木代水水生木立夏火代木木
生火立冬水代金金生水立秋以金代火故至庚日必伏
庚者金故曰伏也徐堅初學記歲時部下陰陽書曰從夏
至後第三庚爲初伏第四庚爲中伏立秋後初庚爲後伏

謂之三伏曹植謂之三旬後漢書逸民傳章懷太子注顧
野王輿地志曰七里瀨在東陽江下與嚴陵瀨相接有嚴
山案瀨一作瀨元和郡縣志江南道睦州清溪縣新安江
自歙州黟縣界流入縣東流入浙江案清溪今浙江嚴州
府淳安縣後漢書逸民傳嚴光字子陵一名遵會稽餘姚
人也少有高名與光武同遊學及光武卽位除爲諫議大
夫不屈乃耕於富春山後人名其釣處爲嚴陵瀨焉水經
注漸江水篇紫溪東南流逕桐廬縣自縣至於潛凡十有
六瀨第二是嚴陵瀨帶山山下有一石室漢光武帝時
嚴子陵之所居也故山及瀨皆卽人姓名之山下有磐石
周迴十數丈交枕潭際蓋陵所遊也元和郡縣志睦州桐
廬縣嚴子陵釣臺在縣西三十里浙江北岸也廣雅釋水
磯磧也說文九篇磧水階有石者周明帝貽韋叟詩坐石
窺仙洞乘槎下釣磯沈約新安江至清淺深見底貽京邑
遊好詩眷言訪舟客茲川信可珍洞徹隨深淺皎鏡無冬
春千仞寫喬樹百丈見游鱗李善注十州記曰桐廬縣新
安東陽二水合於此仍東流爲浙江吳均與朱元思書自
富陽至桐廬一百許里奇山異水天下獨絕水皆縹碧千
丈見底游魚細石直視無礙漢相和曲江南篇魚戲蓮葉
閒水經注洧水篇綠水平潭清潔澄深特視游魚類若乘

空矣所謂淵無潛鱗也舟人有釣者試取餌而投之或有游而不顧

之者或有含而輒吞之者引竿而舉因以獲焉其始出也

掉尾揚鬐有若恃力而自免其少退也即鼓鰓濡沫有似

屈體而求哀嗟乎勢牽於人道窮乎我將欲以下座而歌

馮子又安能中轍而呼莊周哉一本試取餌而投之下有

而復吐者或有廉隅莫之近者或有貪而輒吞之者四句

於陽晝曰子亦有以送僕乎陽晝曰有釣道二焉請以送

子夫扱綸錯餌迎而吸之者陽橋也其為魚也博而厚味宓子賤

存若亡若食若不食者魴也其為魚也博而厚味宓子賤

曰善司馬相如上林賦捷鰭掉尾振鱗奮翼注郭璞曰鰭

背上鬣也郭璞江賦揚鰭掉尾噴浪飛涎鰭亦作鬐謝靈

運山居賦或鼓鰓而湍躍或掉尾而波旋濡沫見久戍邊

城篇司馬遷報任少卿書其次訕體受辱訕與屈通魏志

劉琨傳裴松之注傅子曰夫釣者中大魚則縱而隨之須

可制而後牽則無不得也馮
子莊周並見詠懷古意詩

余乃祝之曰猛獸搏也拘於

檻穿鷲鳥搜也繫於樊籠素龜靈也被髮阿門白龍神也

挂鱗且網何不泥潛而穴處何故貪餌而吞鈎乎於是放

之江流盡其生生之理

司馬遷報任少卿書猛虎在深山百獸震恐及在檻穽之中搖尾而

求食積威約之漸也後漢書法雄傳章懷太子注檻謂捕

獸之機也弃謂弃地陷獸也子牙子發啓篇鷲鳥將擊卑

飛敏翼猛獸將搏弭耳俯伏王逸離騷經注鷲執也謂能

執服眾鳥鷹鷂之類也陳琳檄吳將校部曲夫鷲鳥之擊

先高攫鷲之勢也樊籠見夏日遊山家篇莊子雜篇外物

宋元君夜半而夢人被髮闕阿門日子自宰路之淵子爲

清江使河伯之所漁者余且得子元君覺使人占之曰此

神龜也君曰漁者有余且乎左右曰有君曰令余且會朝

明日余且朝君曰漁何得對曰且之網得白龜焉其圓五

尺君曰獻若之龜龜至君再欲殺之再欲活之心疑卜之

曰殺龜以卜吉乃刳龜七十二鑽而無遺筴陸德明釋文

宋元君李云元公也案元公名佐平公之子阿門司馬云

阿星曲簷也宰路李云淵名龜所居余音預且子餘反姓
余名且也說苑正諫篇吳王欲從民飲酒伍子胥諫曰不
可昔白龍下清冷之淵化為魚漁者豫且射中其目白龍
上訴天帝天帝曰當是之時若安置而形白龍對曰我下
清冷之淵化為魚天帝曰魚固人之所射也若是豫且何
罪今棄萬乘之位而從布衣之士飲酒臣恐其有豫且之
患矣王乃止謝朓將遊湘水尋勾溪詩既從陵陽釣桂鱗
驂赤螭王逸九思悼亂白龍今見軼靈龜兮執拘彭叔夏
文苑英華辨證事證莊子夢人被髮闖阿門卽白龜也說
苑白龍爲豫且所網而集本以阿門作河津且網爲罾網
張衡應閒夫元龍迎夏則陵雲而奮鱗樂時也涉冬則涸
泥而潛蟠避害也大戴禮會子疾病篇魚鼈鼃鼃以淵爲
淺而履穴其中張衡歸田賦仰飛纖繳俯釣長流觸矢而
斃食餌吞鉤易繫辭上生生之謂易王弼注陰陽轉易以
成化生孔穎達疏生生者不絕之辭張華鶴
鵠賦序翔集尋常之內而生生之理足矣
時同行者顧

詰余曰夫至人之處世也擬迹而後投隱心而後動終始
不易其道悔吝不生其情而吾子沈緝於川登魚於陸烹

之可以習政術羞之可以助庖廚曩求之將何圖今舍之

將何欲

道一作業生一作乖○至人見螢火賦揚雄解嘲欲行者擬足而投迹崔瑗座右銘隱心而後動謗

議庸何傷李善注劉熙孟子注曰隱度也夏侯子樂毅論觀樂生報燕惠王之書其殆庶乎知機合道以終始者與易繫辭上悔吝者憂虞之象也虞翻注悔則象憂吝則象虞也孔穎達正義悔者其事已過意有追悔之也吝者當事之時可輕鄙恥故云吝也嵇康與山巨源絕交書與一世同其波流而悔吝不生耳詩召南其釣維何維絲伊緝毛亨傳緝綸也爾雅釋言緝綸也郭璞注緝緇也江東謂之綸崔實答譏沈緝濬壑棲息高邱莊子內篇大宗師泉涸魚相與處於陸詩檜風誰能烹魚溉之金鰲傳烹魚煩則碎治民煩則亂知烹魚則知治民矣左傳隱公三年杜預注羞進也周禮庖人鄭氏注庖之言苞也苞褒肉曰苞苴說文九篇庖廚也廚庖室也余笑而應之

曰聖人不凝滯於物智士必推移於時知幾之謂神舍生之謂道殷乙聖人也囚於夏矣孔邱賢人也畏於匡矣且

夫明哲之賢尚罹幽憂之患况乎鱗羽之族能無弋釣之

累哉

舍一作養又作舍今據文苑英華且夫二字一作以楚辭漁父聖人不凝滯於物而能與世推移易繫

辭下子曰知幾其神乎君子上交不諂下交不瀆其知幾

乎舍生句用孟子舍生取義意史記殷本紀主癸卒子天

乙立是為成湯囚夏見獄中書情篇史記平原君虞卿列

傳孔子賢人也逐於魯司馬彪續漢書郡國志兗州陳畱

郡長垣有匡城劉昭注陳畱志曰孔子囚此案長垣春秋

衛地今屬直隸大名府廟衡鸚鵡賦彼賢哲之逢患猶棲

遲以羈旅矧禽鳥之微物能馴擾以安處皇甫謐高士傳

子州支父曰子適有幽憂之病方且治之未暇治天下也

故曩吾有心也恐求之不得今吾無心也既得之而舍夫

求與舍不亦雙美乎烹與羞不亦兩傷乎况療饑者半菽

可以充腹為政者一言可以興邦亦奚必因小鮮而後明

三異之規勦大命而後寄一餐之飽擒而不殺可不謂仁

乎獲而不饗可不謂廉乎

而舍一作亡求奇一作龔○陸

存者可以勿違求與違不其兩傷乎劉向列女傳賢明楚

老萊妻傳詩曰泌之洋洋可以療饑案今陳風作樂飢傳

樂飢可以樂道忘飢箋云泌水之流洋洋然飢者見之可

飲以藥飢陸德明釋文樂本又作藥毛音洛鄭力召反沈

云舊皆作樂字晚詩本有作下樂以形聲言之殊非其

義療字當從下作療案說文云療治也療或藥字也則

毛止作樂鄭本作療漢書項籍傳今歲飢民貧卒食半菽

軍無見糧注孟康曰半五升器名也臣瓚曰士卒食蔬菜

呂菽雜半之師古曰瓚說是也菽謂豆也小鮮見上梁明

府啓烹鮮句注三異見春夜韋明府宅宴詩駟魯雉句注

書甘誓天用勦絕其命孔安國傳用其失道故勦截也截

絕謂滅之勦子六反玉篇子小反後漢書皇甫嵩傳漢陽

間忠干說嵩曰昔韓信不忍一餐之遇而棄三分之且夫

業利劍目揣其喉方發悔毒之歎者機失而謀乖也

垂竿而爲事者太公之遺術也形坐磻溪之石兆應滋水

之璜夫如是者將以釣川耶將以釣國耶然後知古之善

釣者其惟太公乎又有妙於此者其惟文王乎

伏勝尚書大傳畧說

周文王至磻溪見呂望釣文王拜之尚父曰望釣得魚腹中有玉璜刻曰周受命呂左檢德合於今昌來提鄭子注釣得魚魚中得玉璜也左檢猶卽也提者取也半璧曰璜按開元占經引大傳與此稍異並鄭注呂氏春秋八覽觀世篇太公釣於滋泉遭紂之世也故文王得之水經注渭水篇渭水之右磻溪水注之水出南山茲谷乘高激流注于溪中溪中有泉謂之茲泉泉水潭積自成淵渚卽呂氏春秋所謂太公釣茲泉也今人謂之九谷石壁深高幽隍邃密林障秀阻人迹罕交東南隅有一石室蓋太公所居也水次平石釣處卽太公垂釣之所也其投竿蹠餌兩邾遺跡猶存初學記武部太公曰呂尚坐茅以漁文王勞而問取呂尚曰魚求於餌乃率其緝人食於祿乃服於君故以餌取魚魚可殺以祿取人人可竭以小釣釣川而擒其魚中釣釣國而擒其萬國諸侯按此條見六韜文韜太公曰當作太公六韜曰疑脫二字今夫文王制六合爲鉤懸本無釣川釣國二句蓋逸文也

四履爲餌筮之於清廟投之於巨川一引而獲太公再舉

而登尙父

見露布左傳僖公四年賜我先君履東至於海

西至於河南至於穆陵北至於無棣杜預注履所踐履之

境水經注淄水篇城臨淄水故曰臨淄爾雅曰水出其前

左爲營邱武王以其地封太公望賜之以四履都營邱爲

齊筮顏注指文王出獵之卜也詳對策文非熊注詩周頌

清廟箋清廟者祭有清明之德者之宮也陸德明釋文杜

預云肅然清淨之稱也書說命上若濟巨川用汝作舟揖

史記齊世家呂尙以漁釣干周西伯於是周西伯獵果遇

太公於渭之陽與語大說曰自吾先君太公曰當有聖人

適周周以興子真是耶吾太公望子久矣故號之曰太公

望載與俱歸立爲師詩維師尙父時維鷹揚傳師大師也

尙父可尙可父孔穎達疏劉向別錄曰師之尙之父之故

曰師尙父父亦男子之美號太誓注云師尙父文王於磻

溪所得聖人呂尙立以爲太師號曰尙父尊之如世家之

文則尙本是名號之曰望而雒師謀云呂尙釣厓注云尙

名也又曰望公七年尙立變名注云變名爲望蓋因所呼

之號遂以爲名以其道可尊尙又取本名爲號也孫子兵

法曰周之興也呂牙在殷則牙又是其名字也宋玉鈞賦

宋玉與登徒子偕受釣於乎淵退而並見於楚襄王登徒

子曰夫乎淵天下之善釣者也宋玉進曰臣所謂善釣者其竿非竹其綸非絲其鉤非鐵其餌非蠟也昔堯舜禹湯之釣也以賢聖為竿道德為綸仁義為鉤祿利為餌四海為池萬民為魚王曰其釣未可見也玉曰其釣易見昔殷湯以七十里周文以百里興利除害天下歸之其餌可謂芳矣南面而掌天下厯載數百到今不廢其綸可謂韜矣羣生浸其澤民氓畏其罰其鉤可謂均矣繇此觀之蹲會功成而不隳名立而不改其竿可謂強矣繇此觀之蹲會稽而沈牯者鮑肆之徒也踞滄海而負鰲者漁父之事也

斯並眇小者之所習安知大丈夫之所釣哉

釣本作爲今從初學記○

莊子雜篇外物任公子爲大釣巨緇五十牯以爲餌蹲乎會稽投竿東海且且而釣期年不得魚已而大魚食之牽巨鉤鎔沒而下驚揚而奮鬐白波若山海水震蕩聲侔鬼神憚赫千里任公子得若魚離而腊之自制河以東蒼梧以北莫不厭若魚者陸德明釋文鉤本作釣巨緇司馬云大黑綸也牯郭古邁反云犍牛也徐音界說文云騾也司馬云犧牛也蹲音存會古外反稽古今反會稽山名今爲郡也驚音務一本作驚鮑肆見詠懷古意篇列子湯問

篇渤海之東不知幾億萬里有大壑焉名曰歸墟其中有
五山焉一曰岱嶧二曰員嶠三曰方壺四曰瀛洲五曰蓬
萊而五山之根無所連著常隨潮波上下往還不得暫峙
焉仙聖毒之訴之於帝帝恐流於西極失羣聖之居乃命
禹疆使巨鼇十五舉首而戴之迭爲三番六萬歲一交焉
五山始峙而龍伯之國有大人舉足不盈數步而暨五山
之所一釣而連六鼇合負而趣歸其國灼其骨以數焉揚
雄方言眇少也宋玉釣賦今察乎淵之釣也左挾魚留右
執槁竿立乎潢汙之涯倚乎楊柳之閒精不離乎魚喙思
不出乎鮒鮓形容枯槁神色憔悴樂不復勤獲不當費斯
乃水濱之役夫也已君王又何稱焉